

PONKAPO YESU

WAISHILE NE KWITA



Yoano Wazhila, kyapitala kyabu 11, kutatwila pa veeleshi wabu 18, Nasaka kutanga.

Bino ku Betani kwajinga kwipi na ku Yelusalema, kwajinga misinso mamailoshi jikumi ne atanu:

Kabiji bavula Bayudea baishile kwi Mata ne Maliya, na kwibatekenesha na mambo a kolojabo.

Ponkapo Mata, byo aumwvine mba Yesu ubena kwiya, waile na kumutundaila: pakuuba Maliya washajile mu nzubo.

Ponkapo Mata waambile kwi Yesu mba, Nkambo, inge anweba mwajinga kuno, mulongo wetu inge kechi wafwile ne.

Pakuuba Nayuka, ne pano, kyonka kyo musakulomba. . . Lesa, Lesa usakwimupakyo.

Yesu waambile kwi aye mba, Mulongo wenu usakusanguka.

Mata waambile kwi aye mba, Nayuka mba ukasanguka jibiji mu kimye kya lusanguko mujuba jikapelako.

Yesu wamwambijile mba, Amiwa yami lusanguko, ne. . . bumi: awa wangitabila amiwa, nangwa afwe, ukamona bumi:

Kabiji yense uji nabumi kabiji waketekela mwi Ami kechi ukafwa ne. Anweba mwi kitabila akye nyi?

Aye waambile kwi aye mba, Ee, Nkambo: Naketekela mba anweba mwi Kilishitu, Mwaana wa Lesa, ao wafwainwa kwiya panopantanda. (Kabiji monai kyokyo!)

Byo aambiletu byobyo, wayile, ne kwita Maliya nyenga yanji kwa bunke, ne kumwambila mba, Aye Mufunjishi waiya, kabiji ubena kukwita.

² Twayai tulombe. Taata Wamwiulu, shinikishai bibye Byambo ku muchima yetu, bufuku buno, kimye kyo tubena kupembelela pe Anweba. Kyambo Kyenu, kalume Wenu, kabiji ne mutwe, byonse byapewa kwi Anweba, mwi Yesu Kilishitu mu Jizhina. Amena.

Anweba ikalaiko.

³ Mwine mwingilo wakwikela kuno ke kweseka kukwasha bantu ba Lesa. Kechi na mambotu a kulomba, ne kubika maboko pa bakolwa, pakuuba mba bamuyuke Yesu Kilishitu amba uji pakachi ketu, Mwaana wa Lesa mukachi ketu. Tubena kwamba bufuku buno payuwe mutwe: *Ponkapo Yesu Waishile Ne Kwita*.

⁴ Pano pakikye kimye kyo tubena kwambapo, kyajinga kimye kyabulanda bingi. Inge wakonsha kutanga jishimikila ja bumi bwa Nkambo yetu, twatana kuuba mba Aye wajinga Mulunda mukatampe kuyuwe songwalume, Lazalaza. Aye wajinga... Panyuma ya kufumako kwa kwa Yosefwa, nangwa, Aye wafumineko ne kwiya nakwikala ne Mata, Maliya, ne Lazalaza. Kabiji bajinga na bulunda bwabaya bingi. Bajinga na... Aye wajinga nobe kafunga kwi abo, ke—ke Mulunda wakine. Kabiji Aye wamulengejile tubintu tucheche twakumvwala, kochi wakumvwala, Naketekela, byo baamba, kabiji kyapikwilwe kyonsetu kwakubula mufuko. Kabiji nanchi Bamubijile bintu, mambo baketekejile mwi Aye. Kyajinga abo—abo bobaketekejile kabiji bekimwene. Bashile kipwilo, ne bikwabotu, pakuuba mba Bamulondele. Kabiji akya kyajinga kintu kikatampe mu joja juba, akyo kyakuuba mba kuzhatwa kwafwainwa kuleta lufu, pa—pakuuba mba mufumeko kukikye.

⁵ Bino, Yesu, awe Mulongo wailenga na kuzhokoloka mo baambijilenga, kasa abena kuya na konauna bipwilo, kabiji ne kwamba bintu byatama pe bang'anga babo, ne—ne bikwabotu, Aye waubile—Aye waubile bintu byatama kwi abo, byo balangulukile. Kabiji—kabiji kumushimuna Aye kyafwainwa kulengela ku—kupangamo mu nshinagonga. Kabiji umvwe wafumamo mu kipwilo, abo—abo balangulukilenga mba kechi ujipo na—na jishuko ja bukuzhi ne. Inge kechi uji kulubaji lwa jibumba jabo ne, nobe Bafaliseo, Basanduseya, nangwa kintutu kikwabo, kechi kujipo bukuzhi ne inge uji pangye ya kyokya. Kabiji umvwe bajinga na nsambu, bakii, kabiji bakonsha kukupangamo inge bakeba kwikyuba. Akwa kwajinga kwamba kwabo. Kechi kyakukumya ne Yesu kyo aambijile mba, “Anweba, na mambo abisho byenu, byalengela Kyambo kya Lesa kwikala kyabula bulume.” Mwamona?

⁶ Kabiji pano kyabwezhiwapo ne jikwabo, mambo atweba bonse twayuka mba jishimikila ja bintu byapita bibwezhapo ne jikwabo. Kabiji ke—ke kyabulanda pa kwikyamba, nangwa byonkabyo kyaawilwe kubwezhiwapo ne jikwabo, kabiji kyaubiwa ne jikwabo.

Twatana kuuba mba Yesu kechi bamulangulukijilenga byawama ne.

⁷ Bimye byavula, bantu bakeba kuzhachisha muntu ubula kuswang'ana nabo. Kechi twafwainwa kuuba kyokyo ne. Twakonsha kupusenamo umo ne mukwabo, bino kasa tuji mubulunda. Inge kechi twakonsha kuyiila mumo na muntu

ne, twafwainwa ku mutemwa ne kumulombelelako, kabiji twapusana nanji na- . . . nanji na mambotu a Binembelo, kabiji ne ng'umvwino yawama, nanchi kechi Nakonsha kwamba kintu kwi aye ne. Amiwa kimye kyonse keba kupusana nanji, mu bulunda, mambo Namutemwa, kabiji Amiwa—Amiwa kine kechi nkeba mba ayemungi ne. Kabiji ne aye wafwainwa kuuba kintutu kimo kwi amiwa; kechi tubena kukeba kulubilamo ne. Kabiji twafwainwa kubika milanguluko yetu pa byaamba Kyambo. Lekai Kyambo kikale kyakine. Kechi mafunjisho etu ne nangwa milanguluko ne, pakuuba kana Aye byoaamba; kechi kuji kulumbulula kwabunke ne, kanatu byaamba Kyambo.

⁸ Bufuku bukwapo, Naubile kintu kimo kabiji kyamwekele pepi nobe myendeleko, Naketekela kyajinga pa kajo kakwiaula ka bamingilo lukeelo lumo. Namubikile Yesu pa lweseko. Naambile mba, “Pano monka mo baubijile kyokya kimye, nanchi byo booba ne mubuleelo.” Kapapo kyafwainwa kuwama inge Nakonsha kwikibwezhapo pa kakimye kacheche, inge twaikala na kimye. Bino, Naambile mba, leelo twatana kuuba mba . . .

⁹ Mu lifomeshoni wakwa Luther, aye, mu kyokya kimye, aye waambile mba baoloka bakekela ku lwitabilo. “Awa muntu waketekela, aye, ye uji Nakyo.” Bino twatana bavula ba mwiabo baambile mba baketekela, bino kechi bajinga Nakyo ne.

¹⁰ Mu moba akwa—akwa John Wesley, inge batambwile jipesho ja bubiji, bejitelelenga mba, kutokeshiwa, kutokeshiwa konsetu, bajinga bingi na lusekelo kabiji ne kubijika. “Muntu yense wabijikilenga, nishi uji Nakyo.” Bino bataine mba kechi baji Nakyo ne. Bavula ba mwiabo babijikilenga, pakuuba kechi bajinga Nakyo ne.

¹¹ Mumoba a Pentekositi, baambilenga mba, “Pano kubwezhiwa kwa byabupe kwaiya, lubatizhilo lwa Mupashi. Awa wamba mujimi, mba uji Nakyo.” Twatana kuuba mba bavula baambile na jimi, kabiji kechi bajinga Nakyo ne.

¹² Nanchi baamba mba, “Kyawama, kipangwa kya Mupashi, abyo byo Kiji.” Oo, ine, kechi kipangwa kya Mupashi ne. Basayaasi wa Bwinakilishitu bo baji na kyokyo, ako kokyakosa . . . Butemwe ke kipangwa kya Mupashi. Nanchi, baji bingi na butemwe kukila muntu yense, kabiji bino kasa bakana Bulesa bwa Yesu Kilishitu; bamwitatu Aye mba ngauzhi, ke muntutu uji nobe bantu bonse. Mwamona? Nanchi akyo kechi kyo kikyuba ne.

¹³ Lekai ne kipuzheko kye pa mineti umo. Twayai tubike Yesu mukije. Kabiji Lesa andekeleko mambo pa iye ng'ambilo, kufuma kuno ku pulatifomu, bino Nsakwikala kulubaji lungi lwa kumwimena Aye pa mineti umo, pakuuba mba ne mulete mu Kyeya. Mwamona?

¹⁴ “Pano Amiwa nji neanweba bantu muno bufuku bunu; Amiwa mbena kwamba kwi anweba. Ami . . .” (Ke kunyuma

mujuba jikwabo, kimye Yesu wa ku Nazala kyo ajinga panopantanda.) “Naiya kwi anweba, ne kupitulukamo kasa twamwimena awe mulongo, Yesu mwina Nazala. Pano bonse twayuka mba Lesa butemwe. Aye Baibolo waamba mba byo Aji. Kijitu bulongo, kabiji butemwe, bwa Mupashi ke kukoka muchima, bukimote, butekanye, kwikepesha, ne bikwabotu, kabiji ne butemwe. Pano Naamba mba, Nasaka kwimwipuzhapo kintu kimo. Tusakusenda kintu kyo twa—kyo twayuka, ke Bwinakilishitu.

¹⁵ “Talai pa yuwe pulisiti wenu mukote. Bankambo yaba nkambo yanji-yaba nkambo yanji-yaba nkambo yanji-yaba nkambo yanji bajinga bapulisiti. Aye wasemekelwe mukisemi kya bena Levi, pakuuba mba wikale pulisiti. Twatana kuuba mba, pano, aye kechi wajinga na bwikalo bwa basongwalume nobe anweba bashala byo mwajinga. Pano aye wauba ka? Wipana bukitapisho aye mwine, uji koka kwa na kufunda Kyambo, Kyambo kya Lesa. Aye upitamo, mute ne bufuku, mute ne bufuku, pakuuba mba ayuke kisopelo kyonse kyakyo, kyambo kyonse kiji pa muvungilo wa buuku. Wafwainwa kwikilabijila na muchima. Aye—aye, ke kintutu kimo pa kyokyo kyoafwainwa kuyuka.

¹⁶ “Kabiji pano, pa kyokyo, kimye bashobe ne bainobe po besongwele, wibasambakenye pamo nobe balume ne bakazhi? Wenu pulisiti mukote wabulesa. Waji ng’anyi waishile kwi bashobe kimye kyobajinga na byakukabila kabiji bakongwele mali pa fwamu yanji, kimye bakongole po bakebelenga ku mutambula? Ing’anyi waimene kulubaji lwanji? Yeka pulisiti mukote wakala walusa. Ing’anyi waimene kulubaji lwa bainobe mu kibamba kimye kyo bakusemenenga? Walusa pulisiti mukote. Ing’anyi wiya kwi obewa kimye kyo ukolwa ne kukajilwa? Yeka pulisiti mukote wakala walusa. Ing’anyi wakupesheshe ne kukupana kwi Lesa, kabiji ne kukutwala kumukanda pa juba ja bu eiti? Yeka pulisiti mukote wakala walusa. Kimye bashobe ne bainobe po bajinga kwipi na kwikana, ing’anyi wibapwanyinye pamo, ne kwibakwata pamo? Yeka pulisiti mukote wakala walusa. Kimye kyo kwikala lukatazho mukikalakulo, ing’anyi ulamawizha? Yeka pulisiti mukote wakala walusa. Kyakine.

¹⁷ “Pano awe pulisiti mukote wakala walusa wayuka mba Baibolo waamba mba Lesa ukeba mwanamukoko kwikala kitapisho. Anweba bavula basulu, nanchi kechi mulela mikoko ne, nagwa byonkabyo Lesa ukeba mukoko. Balengele bipaka konkakwa, bapoteshe mikoko yabo pakuuba mba ba—basulu bayeko na kupota, kupana kitapisho kya mweo obe, akyo Lesa kyo akeba.

¹⁸ “Waubile byepi awe mulongo mwanyike, watelwa mba Yesu? Kwepi ko afumine? Waamba mba wasemenwe, lusemo lwa bukisungu. Ing’anyi waumvwapo kala kintu kyabulamo maana? Twayuka mba bainanji bajinga nanji kasa aye ne Yosefwa kasa

bakyangye kusemwa, nangwa, aye ne Yosefwa kasa bakyengye kwisongola, aye wasemekelwe. Pano twatana kuuba mba aye—aye wajinga na jizhina jatama, kyakutatwilapotu.

¹⁹ “Ing’anyi kitupa kyabumembala kyo ajinakyoy? Inge wajinga muntu wabulesa, ng’anyi jibumba jo elamikileko? Kimye pulisiti wenu po afunjilenga, wafunjilenga, wafunjilenga, wafunjilenga, pakuuba mba ayuke akya Kyambo; pano uno wiya, na konauna bintu byo ashimikile. Mwakonsha kutela kyokya mba ‘Lesu’? Ine kinetu.

²⁰ “Bino, juba jikwabo, kimye pulisiti wenu byo alengele kyokya kifulo popa, aye. . . kabiji kwepi ko mwakonsha kupota kitapisho, kika kyo aubile awe mulongo mwanyike? Muchima walusa? Wapumang’ene, wabikile pamo tambo, ne bukusa kabiji ne kikoba kya mwai, kabiji watajile pa bantu, na bukaji; wapatawile matebulu, ne kwibapangamo na bipumo. Kabiji anweba ke mwambe mba bipangwa bya Mupashi, ne kwibatala, na bukaji? Kabiji, talai, kwangata jishuko janji muntu ja kupompwela Yehoba! Basulu babena kukeba kumupompwela Aye; Aye kechi ulela banabamikoko ne, kabiji waile konka na kumupota. Kabiji Aye waalululwile, ne kwibapataula, ne kwibapangamo.”

²¹ Ing’anyi uji na kipangwa kya Mupashi papo? Um-um. Mwamona? Byo byo kiji. Monai, kechi kipangwa kya Mupashi ne, kechi kwamba na jimi ne, kechi kubijika ne.

²² Mwamba mba, “Nanchi, Mulongo Branham, kiyukilo kyo kika? Kiyukilo kyo kika?” Kwikajikwa kwa Kyambo mu kyokyo kimye.

²³ Bajinga na Baibolo. Aye wajingatu monka mwaambijile Yehoba amba kikamweka. Kechi kyakebelenga kwikilumbulula ne. Kilumbulwile ponka pa. Kwajinga mapulisiti, kwajinga byonse byo bajinga nabyo, kabiji bintu byonse byajingatu mu ndoonda kabiji ne byonse, nangwa byonkabyo bakakelwe kumona Kyambo. Kabiji Aye walengejile Kyambo kwikala na bumi muyoya nkulo. Abwa bo bukamonyi bwa yoya nkulo.

²⁴ Luther wajinga na bukamonyi bwa munkulo yanji, Wesley bwa nkulo yanji, Pentekositi bwa nkulo yabo, pakuuba tuji munkulo ikwabo. Abyo bintu byawama. Pano nobe mwaana walukeke, uji na munwe, na jiso, bino pakupitapo kimye wikala ke muntu. Aye waikela ke—ke mwaana wakoma; ne kusemwa wasemwa, uji na mweo, mubiji, mupashi, wakonsha ne kwendauka.

²⁵ Pano twatana mba, byonse bye, Yesu wibimwesheshe, kabiji bichechetu, bonkatu abo Aye bo atongwela Bumi, bo Ba mumwene. Kechi mabumba akatampe ne; Anji mabumba kechi ajinga pamo nobe mabumba akwa Kefasa ne. Kika, Kefasa wafwainyijilwe kwita kyaalo kyonse pamo. Yesu wayichiletu bacheche. Kechi bavula bamuyukile Aye ne. Biumbi bya biumbi,

kimye kyo Aishile panopantanda, Aye wapichile pantanda, kabiji abo kechi bamuyukile amba Koaji ne.

²⁶ Nanchi byo kikekala ne jikwabo! Aye ukeyatu kuboba baitwa ku Bumi. Aye wayuka baitwa ku Bumi. Kabiji Aye kechi ukooba . . . Ke mwingilo Wanji wakulamawizha byobyoy.

²⁷ Pano twamona mba nanchi bafumine mu kipwato, kabiji Aye bamuketekejile. Bintu byonse byaambilenga Kyambo pe Aye, Aye byobyoy ajinga.

²⁸ Kabiji juba jimo Aye wafumine mu nzubo yabo. Nasaka kwamba pa bintu bisatu: Yesu wafuminepo; lufu lwaishile; kabiji ne luketekelo lonse lwafuminepo. Nasaka kwamba pabyobyoy bintu bisatu pa mamineti acheche.

²⁹ Yesu wafuminepo. Kabiji byo Afuminepo, lukatazho lwamwekele. Pano umvwe Aye wakusha, nangwa nzubo yenu mo mwikala, lukatazho luji mujishinda. Satana wikala na kibelo kyakyashi inge Yesu wafumapo.

³⁰ Aye wayile, kabiji aku—kabiji aku Uyatu, nanchi lufu lwatwelele. Kabiji umvwe Yesu walupukamo, lufu lutwelamo. Kwabanwa kufuma kwi Aye ke lufu, nanchi lufu lwatwelele Yesu byo alupukilemo.

³¹ Kabiji lufu lwamwekele kwi Lazalaza. Kabiji ne Yewa ye baketekejilemo ne kutemwa, batumenye kwi Aye amba alombelele Lazalaza, mambo Bamumwene kabiji ne kuyuka mba Aye wamuyukile Lesa, amba, “Kyonse, Lesa . . .” Mata wikyambile kunyuma kokwa, “Kyonse kyomwakonsha kwamba Anweba kwi Lesa ponkapano, Lesa wakonsha kwi kyuba.” Wayukile mba Aye ne Lesa baji ke Umo. Aye wajinga Kyambo kya kimye, nanchi aye wikiyukile kya. Kabiji aye wikiyukilo, inge wakonsha kukwatakanya Nanji, pakuuba Aye wayile kabiji kechi bamumwene Aye ne. Kabiji batumenye Koaji, kabiji, mu kifulo kyakuuba mba Eye, Aye watwajijiletu kuya kulutwe. Kabiji batumenye ne jikwabo, kabiji, mu kifulo kyakuuba mba Eye, Aye watwajijiletu kuya kulutwe.

³² Kimye kimo tukumya kika kimwekela bibye bintu, bino nanchi Kinembelo kechi kyaamba kyokyo ne, “Bintu byonse bingila kubuwame bwaboba batemwa Lesa”? Aye wayuka kyo Abena kuuba. Inge Aye wabajijila, akyo kijitu bulongo. Aye wayuka byo Abena kuuba. Pajingapo kilumbululo kimo.

³³ Twatana kuuba mba Aye waambile, mu Yoano Wazhila 5:19, “Kine, kine, Nemwambila namba, Mwaana kechi wakonsha kuba kintu nangwa kimo Aye mwine ne, kanatu kyonka kyo Amona Bashanji kasa boba.”

³⁴ Ba Shanji bamubujile mba Afumepo, kabiji ne kufumapo moba mukananga. Panyuma yakukumanya aamoba, pano Aye waambile byonka byo Aambile jibiji, mba, “Mulunda netu Lazalaza walala mutulo.”

Kabiji waambile mba, “Kyawama, wauba bulongo.”

35 Aye waambile mba, “Aye wafwa. Kabiji mambo a anweba Amiwa nasekela kechi Najingako ne.” Mambo, abo inge baesekelenga Kumukajikizha amba ayeko koaji, na kumubuka nangwa kwambapo kyafwainwa kubiwa. Bino Aye wayukile kyafwainwa kubiwa, nanchi Aye waubijiletu monka mo Bamutongwejile kuba: kufumako. Inge Mwamumona ku kilende byo Abwelele. Aye wikyambile kikye byo Abwelele jibiji ne kumutana ku nzubo yanji.

36 Luketekelo lonse lwapwile. Lazalaza wafwa. Kila awala, batwajijiletu na kulanguluka, “Aye wafwainwa kwiya palulwe lukatazho. Aye wafwainwa kwiya palulwe lukatazho. Aye wafwainwakubwela jibiji.” Kyapeleleko, wafwile, ne muya wafuminemo mwi aye.

37 Abo bayile, na kumukanga, kufumyamo mashi mu mubiji wani, bamupombele mu kisapi kyalineni, ne binuka, ne kumukanga kabiji ne kumuzhika mu kilende, babikako ne jibwe ku kilende, kyo kyajinga kisho kyabo kyakuzhikilamo mu oa moba. Kimbo mu mushiji, kape mukachi kajibwe, ne kubikapo jibwe peulu yakyo, akyo kyajinga kisho kyabo.

38 Juba jitanshi japichile, jabubiji ja pichile, jabusatu japichile, jabuna japichile, muntu watatwile ne kubola mukilende. Moona wani kape watatwile kukulukila ne mukachi. Akyo, Nalanguluka mba akye kyo kintu kitanshi kikulukila mukachi, ke moona. Kabiji wajinga wabola kala. Wani—wani mubiji waji wabwela kulukungu, lwa panshi, nangwa kubwela. Mweo wanjinga pa lwendo lwa moba-ana kuya kutu kumo, kufuma mwiaye.

39 Luketekelo lonse lwa kumumona jibiji, mu buno bumi, lwapwile. Kabiji pano luketekelo lonse byo lwapwile... Bapembejile, “Kapepo inge Aye wakonsha kwiya pa juba jitanshi, juba jabubiji!” Ine. Nanchi wafwile, kabiji Aye kechi waishile ne. Ponkapotu ne kijikila kibakwachile.

40 Pakupitapo kimye pajinga muntu umo wafwajilwe ku mubuula, “Aye Nkambo uji pangye.” Aye Mata keaye ne kuya mu mukwakwa!

41 Yesu waishile mukyokakya kimye kyafishi apo luketekelo lonse lwapwile. Apo kimye kyonse Aye popo eya. Mwamona? Aye wiyatu pakimye kyafishi, Yesu popo amwekele pakyonka kifulo.

42 Pano talai, Aye wayishile ne kumwita Mata. Kutanwapo Kwanji kwaletele luketekelo lupya. Kechi oene mambo ne nangwa songwalume waji wafwa, nangwa byonkabyo Kutanwapo Kwanji kuleta luketekelo lupya.

43 Mwafwainwa kwikala muno bufuku buno, mulunda nami, apo badokotala bakukakalwa, na kaasa, lukatazho lwa muchima. Kapepo mu kipona, walemana, sayaasi yense waamba

mba kechi kujipo luketekelo lobe ne; kutanwamo kwa kaushamo mu bikupa kwa—kwalengela byenu—byenu—byenu bikupa, kyakuuba mba kechi wakonsha kwibivunga ne. Nangwa, inge wenu—wenu muchima watama watama bingi, badokotala baamba mba wakonsha kuya kimye kiji kyonse. Oo, kabiji bantu bavula baji na kaasa ne TB, kapepo luketekelo lwapelako louji nalo, kabiji kyamweka nobe dokotala wakukaina. Nangwa byonkabyo, kwikala mu Kyeenyi kabiji ne kutuluka Kyeenyi kyakwa Yesu Kilishitu, kileta luketekelo jibiji.

⁴⁴ Muntu umo wakonsha ne kwimutongwelakyo anweba. Kapepo anweba kechi mwikyumvwinepo kala ne, pakuuba lekai muntu umo ambe mba, “Amiwa nayuka kuji kipwilo, abo baketekela mwi Lesa ne kulombelela bakolwa,” bukiji bukiji (Bino, winengezha kufwa. Mwamona?), luketekelo lupya ke lumweke. Byo kyubiwa kimye kyonse. Mu kyokya kimye kyafishi, kimye kyonse umvwe muntu waambapo kintu kimo pa kikyeye, wakubuula pe Yesu. Kyeenyi Kyanji kileta luketekelo lupya.

⁴⁵ Lekai kyube kintu kimo bufuku buno, nobe byo kyaubiwe bufuku bwapita. Inge twamona Kyambo kyashinikishiwa kwakubula luzhinawo ne, akyo kyasololwa, ne kushininwa mba *amba* Yesu awa waikela myaka yapitapo naitiini aduleendi, awa wafwile pa Kalvali, wasangukile pa juba jabusatu, kabiji wamwekele kubooba banababwanga ne kwibashikula meso abo, kabiji walaile yuwe mulaye wa mujoja juba, uji monka muno bufuku buno mukachi ketu, kyafwainwa kuleta luketekelo lupya kubantu. Luketekelo lupya lwamweka.

⁴⁶ Kapepo muntu umo waamba mba, “Kipwilo kiji nobe kyauminwa pa kakimye kacheche. Atweba kechi twaikalapo na meema awama pa—pa—bang’ondo bacheche. Atweba kechi twaikalapo na kusangululwa ne. Kyamwekatu nobe muntu yense wauminwa, nangwa kintutu kimo kikwabo. Tuyatu ku kipwilo ne kwimba lwimbo wamubuuku, kabiji—kabiji ne kumvwa mbila icheche ne kubwela.” Bino ponkapotu, ponkapo, inge twatatula kwikala bantu bauminwa, pankapo Yesu wiya pakyokya kifulo, wiya na kutalazha, uleta kintu kipya kwi atweba. Aye kimye kyonse uji konka nakuba kyokyo. Luketekelo lupya lwiyainge—inge Yesu waiya. Kyeenyi Kyanji kileta luketekelo lupya.

⁴⁷ Aye wayukile mba Ye kokwa kusoloka kwa Kyambo kya Lesa. Aye wamwene yoya nkulo. Nangwa, inge aye kechi wiyubile ne, wafwajilwe kwikala wa ku Orthodox. Aye wafwajilwe kwikala wa ku kipwilo. Pakuuba aye wamwene kyokya Kyambo kyalailwe. Aye wamwene akya Kyambo kyalailwe kyamweka kupichila mwi Aye kabiji wayukile mba Yekyokya Kyambo kyumi. Kabiji byo ekyumvwine, kechi wateleko muchima nangwa bavula bamulengulule, kika kikwabo, aye Wamulondejile nangovu yonse mo akonsheshe

kubila. Mwamona? Aye wayukile mba Yeyewa Kyambo kyasololwa.

⁴⁸ Kechi pajipo luzhinauko ne wafwajilwe kutanga jishimikila jakwa Elaija mu moba anji. Bino, aye wajinga Kyambo kya Lesa kyasololwa mu joja juba. Wajinga ngauzhi, kabiji Kyambo kya Lesa kiya ku bangauzhi. Kabiji kwajinga mwanamukazhi momwa wajinga na mwaana wamucheche ao wapelwe kwi aye kupichila mu jipesho ajo ngauzhi jo amupesheshe najo, kabiji wajinga na mwaana.

⁴⁹ Juba jimo, pepi nobe leveni koloko, mute wamulengejile kwikala na kalepu. Aye wajinga mu bujimi pamo ne bashanji, Baibolo kechi wamba mba byo kyajingane, waamba mba kyajinga kalepu keya na mute, bino watatwiletu ke kujila, “Mutwe wami! Mutwe wami!” nobe leveni koloko mute. Kabiji wajinga na kalume, bashanji byo bajinga, wamutwajile ku nzubo. Waiketetu pa mauulu abainanji kufikatu ne kushikamana kwajuba, misongo yailenga na kubaya na kubaya, kufikatu ne kulufu.

⁵⁰ Kabiji pano, mu kifulo kyakwikala na bulanda bukatampe, aye. . . bonse bena kikalankulo baishilenga na mabingo kabiji kasa booba, pakuuba bainanji batekenye, mwananji wafwile, wamutwajile pa kibamba kyapeulu kyo anengezhezhe yewa ngauzhi, kabiji wamulajikile pa mwanya wanji, nobe *byoby*a. Kabiji waambijile kalume wanji mba, “Nkasulwile mbongolo, kabiji uyengatu, kabiji kechi wakonsha kwimana ne poso Nakubula mba ube byoby.” Oo, ami! Byokiji!

⁵¹ Kechi tuji na kimye kya kupachika ne kwendeleka ne. Akye kyapita pa joja juba. Twayai tuyenga kulutwe. Twafwainwa kufika konka. Tuji na kyakubila.

⁵² Kabiji nanchi waambile mba, “Yangatu kulutwe, kabiji kwibwelamo kunyemesha ne poso Nakukambizha kuuba byoby.” Kabiji baile poso byo bakafikile kwi Elaija.

⁵³ Elaija, byo ajinga muntu wa Lesa, kechi nobe Kilishitu ne; Kilishitu wayukile bintu byonse, mambo Wajinga Lesa. Elaija wajinga kibese kya Lesa. Awa wajinga Kilishitu mwi Elaija. Kabiji aya yajinga mbila ya kimye, mambo Kyambo kya Nkambo mu kyokya kimye kyajinga na ngauzhi.

⁵⁴ Yesu wajinga kuyula konse kwa booba bangauzhi, bonse ba Musolwele. Byobyonka. Kufumatu kwi Yosefwa, kufuma pa masiliva sate, konse konse, aye—aye wamwesheshe Kilishitu. Ne Mosesa byoby ajinga!

⁵⁵ Davida, waikele nobe mfumu ye bakana payewa mutumba, kasa abena kujila mambo bamukaine. Pakupitapo myaka eiti aduleendi, Mwaana Davida waikele pa mutumba. Awa wajinga Mupashi wakwa Kilishitu mwi Davida kokwa. Kabiji Aye. . . Ami! Aye wajinga byonse bibiji Muzhazhi ne Kisaka kyakwa Davida. Kabiji ne Aye waikele pa mutumba, na kujila, nobe

Mfumu ye bakaana, “Yelusalema, Yelusalema, bimye binga byokemufukamina, nobe nzolo byo oba pa make anji.” Kyajinga kika? Kyajinga Kilishitu kunyuma kokwa.

⁵⁶ Wajinga Kilishitu wajijilenga kimye Davida po anembele lwimbo, “Lesu Wami, kika Anwebu kyo mwandekela Ami? Bikupa Byami byonse, bibena kutala Ami. Bangashile ku maulu Ami ne maboko Ami. Beabenye abo bene bivwalo Byami. Bateele bubale pa mukukumba Wami.” Awa wajinga Kilishitu waambilenga mwi Davida. Abyo ibyo. Aye wajinga kusololwa kwa Kyambo. Kilishitu wayishile na kufikizha byobya bintu byaambiwe na bangauzhi, mambo Kyambo kyajinga na bangauzhi.

⁵⁷ Aye waambile kyokyo mulufunjisho bufuku bwapita, amba Aye wayishile na kufikizha byobya byaambile bangauzhi pe Aye, mambo bajinga na Kyambo. Kabiji Elaija wajinga ngauzhi wakwa Lesu, Kyambo kyajoja juba.

⁵⁸ Nanchi awa mwanamukazhi Mwinashunema waikela na yewa ngauzhi poso byo aishile ne kumweshu bulume bwa Lesu, kabiji walajile ayemwine pa mwaana, kabiji mwaana waikela na bumi.

⁵⁹ Bino Mata wafwaijilwe kuyuka kikyeye, nangwa wajinga na mwingilo wakulama nzubo, komvwa masanyi, ne bintu bikwabo. Bino popa wamwesheshe musango waji. Wamwesheshe kine kintu kyajinga mwiaye. Waile na kumutana Aye ponkapotu. Inge Lesu wajinga mwi Elaija, Lesu wafwaijilwe kwikala mwi Kilishitu, mambo Aye washinikishe mba Wajinga yewa Muntu. Amena. Natemwa kyokya, alwa lupata! Aye wayile ko Aji. Aye wayile na kumutana ko Ajinga. Kabiji wataine kuuba mba, byo afikile kwi Aye—kwi Aye; bino vulukai, wayukile mba Aye kechi wakingya ne, amba Lesu kechi ukingya ntachikilo Yaji ne. Inge Aye wajinga mwi Elaija kabiji ne kusangula bafwa, Aye wajinga mwi Kilishitu kabiji wasangwile bafwa, nangwa Aye kechi wikyubile ne, mambo ye Lesu umotu.

⁶⁰ Nangwa byonkabyo Aye kechi wakingya ne! Byonka byo aji Lesu bufuku buno byobyo Ajinga ne kala. Aye ujitu pamo keesha, leelo, ne myaka yonse. Aye kechi wakingya ne.

⁶¹ Kabiji Aye wayukile mba wayuka mba kiji mwi Aye. Talai, mumamineti aheche kyashinikishiwe, byo aambile kintu kimo kwi Aye namambo a mulongo waji, kabiji waambile mba, “Nkambo, Na—Naketekela mba ye Anwebu.”

⁶² Kabiji Aye waambile mba, “Amiwa ne Lusanguko ne Bumi. Nangwa aye afwe, byonkabyo ukekala na bumi. Kabiji yense uji na bumi ne kwitabila mwi Ami kechi ukafwa ne. AMIWA JIPO.” Awa ye AMIWA JIPO wajinga mukipupu kyatemenenge mujilo, ne Mosesa. “Amiwa ne Lusanguko. Amiwa ne Bumi. Amiwa najinga Kibumba. Amiwa kijitu Iye. Amiwa ne Lusanguko ne Bumi. Aye waitabila mwi Ami, nangwa afwe, byonkabyo

ukekala na bumi. Yense uji na bumi kabiji ne kwitabila mwi Ami, kechi ukafwa ne.” Panyuma yalulwe luketekelo lo ajinga nalo, amba Ye Kyambo kyalailwe; byo Aambile mba, byo ajinga Ngauzhi, Aye kechi wakonsha kubepa ne; onkao mambo Aye, byo Aambile mba, “Amiwa Yami Jiipo. Amiwa Yami alwa Lusanguko ne Bumi.”

⁶³ Aye waambile mba, “Naketekela mba Anweba yenu Iye, Mwaana Lesa ao wafwainwa kwiya muntanda. Nangwa mulongo wami wafwa, walala momwa mukilende, aye ye. . . mubiji wanji wabola ne kubola pakino kimye; bino nangwatu pano, kyonse kyo Mwafwainwa kwamba, kikafikizhiwa.” Kyawama!

⁶⁴ Aye kyo akebelenga ke kuuba mba Amumvwe e kyambe! Amena. Oo, Mata, tuji kwepi bufuku bunu? “Ambaitu Kyambo; amba kalume wami usakwikala na bumi!” Kumumvwatu Aye kwikyamba! Bafwaijilwe kumubula mba Aye wikyambile, pakuuba papo Aye wajinga Ayemwine. Anweba Lesa, labishai meso apofuka, pakuuba mba bakonshe kumona! Inge Aye, uji mu Kyeenyi Kyanji, waamba Kyambo, kimye kyonse kimwekanyika.

⁶⁵ Aye waambile mba, “Kyonse Anweba kyo mwakonsha kwipuzha Lesa, Lesa wakonsha kwikipana kwi Anweba. Lekaitu ami ng’umvwe!” Wamukebelengatu Aye mba ambe Kyambo. Kyo kyonka kyo akebelengatu kumvwa. Kumvwatu Kyambo, kyo kyonka kyo akebelengatu, ke kumumvwa Aye waamba mba Nakonsha kwikyuba.

⁶⁶ Kabiji Aye wakonsheshe kwikyuba ponkapatu, bino, mwamona, mwaila kimwesho Bashanji kyo Bamumwesheshe, Wafwaijilwe kwimana kulubaji lwa kilende. Oo, ami! Kwachijilai lwitabilo lweni! Lesa ubena kwingila bintu byonse bulongo. Kisa kwikalatu bulongo. Pembelelaikotu afike ku kilende.

⁶⁷ Monai, wafwaijilwe kumwambilatu amba Aye ekyambe, nangwa kimye kasa akyangye. . . Luketekelo lonse lwapwa, bintu byonse. Aye wafwile, ne kubola mukilende, bino kwi kyumvwatu Aye kwikyamba, kyo kyonka kyoakebelenga.

⁶⁸ Bino byo Aambile mba, “Amiwa ne Lusanguko ne Bumi,” wikiketekejile. Aye wikiketekejile. Pano monai, bino wafwaijilwe kuketekela bintu bibula kubiwa, byo amumvwine Aye waamba mba, “Amiwa ne Lusanguko ne Bumi. Nangwa umvwe wafwa, bino ukekala na bumi, kabiji yense uji na bumi ne kwitabila mwi Ami kechi ukafwa ne.” Waambile mba, “Waketekela kikye nyi?”

⁶⁹ Kabiji waambile mba, “Ee, Nkambo, Nekiketekela. Naketekela mba Anweba yenu Mwaana Lesa wasakile kwiya muntanda.” Amiwa kye ne kitemwa. Amiwa kye ne kitemwa.

⁷⁰ Na—Naamba kikye kunyuma. Kyafwainwa kwimikwa ne jikwabo ponkapano. Amiwa naambilenga ku mwanamukazhi kechi papitapo kimye kyabaya ne, kyajinga kipwilo kimo kyo

Najikutongola kimye kyapita panyuma, akyo kibula kuketekela mba Aye ye Lesa, Bulesa Bwanji; Aye wajingatu ngauzhi, muntutu byonka biji bantu bonse.

⁷¹ Wajinga yewa, kinetu. Wajinga yewa, kubikapo ne Lesa. Mwamona, Aye wajinga kokwa kumwekanyika. Yesu ke mubiji, Songwalume, Mwanamulume; Lesa ye yewa waikela mwi Aye. Lesa wajinga mwi Aye. Aye wajinga Lesa-muntu. Aye wajinga Muntu, nangwa byonkabyo Aye wajinga Lesa wamwekela mu mubiji. Inge twamona Yesu, twamona Lesa. Abyo ibyo Aye byoaambile, “Inge mwamona Bataata. . .mwamona Ami, mwamona ne Bataata.” Mambo, Aye wajinga kipasha, mambo Aye wajinga Kyambo, amena, amo mwajinga muntendekelo. Amena.

⁷² Aye watongwele bangauzhi mba, “lesa.” Mwikiyuka kyo nyi? Aye waambile mba, “Anweba mwibatela mba ‘lesa’ ako kwaishile Kyambo kya Lesa. Mwakonsha kuzhachisha byepi Amiwa Pakwamba mba, ‘Amiwa ne Mwaana wakwa Lesa?’”

⁷³ Mambo, Kyambo kimo kyaambile mba Aye ukekala konka, kabji akyo kyo Kyambo kyasololwa jibiji. Kabiji nangwa byonkabyo kechi baketekejile ne.

⁷⁴ Awe mwanamukazhi waambile kwi amiwa, “Nakonsha kushinikisha kwi obewa.” Waambile mba, “Amiwa natemwa kukumvwa kusampwila, bino paji kintu kimo kyouba pabaisha.”

“Kyawama, kyokika?”

Waambile mba, “Obewa wambisha kyabaya pa Yesu.”

⁷⁵ Naambile mba, “Naketekela mba Aye byo byonka byo amonamo bibi mwi amiwa kimye kyo Akeya.” Kabiji waambile mba. . . Naambile mba, “Naketekela mba abyoye Aye byoabyonka byoakonsha, kulubakanya Aye koakonsha kutana mwi amiwa.” Naambile mba, “Inge Najinga na jimi teni sauzande, Amiwa kechi nakonsha kwamba kyakilapo ne, oo, ami, musango Ye ajimo!”

Aye waambile mba, “Pakuuba, obewa, umulenga Aye kwikala Lesa.”

⁷⁶ Waambile mba, “Aye byoajinga. Nangwatu, inge Aye kechi byoajinga ne, nishi Aye nge wajinga mujimbijimbi mukatampe bingi waikalapo pantanda.”

Waambile mba, “Aye wajinga ngauzhi.”

⁷⁷ Naambile mba, “Aye wajinga Ngauzhi, akyo kine: Lesa-ngauzhi, kuyula konse kwa Kyambo. Ngauzhi wajinga na Kyambo kyaishile kwi aye, akyo kyo kyamulengejile kwikala—kyamulengejile kwikala ngauzhi. Bino Aye wajinga kuyula konse kwa Lesa.”

78 Kabiji aye waambile mba, “Nakonsha kushinikisha kwi obewa.” Waambile mba, “Obewa umulenga Aye kwikala Bulesa.”

Naambile mba, “Aye wajinga Bulesa.”

Kabiji waambile mba, “Aye kechi wakonsha kwikala Bulesa ne.”

Naambile mba, “Aye . . . Bino Aye byobyoyo Ajinga.”

Aye waambile mba, “Obewa waamba mba waketekela Baibolo.”

Naambile mba, “Amiwa byonji.”

79 Aye waambile mba, “Amiwa nakonsha kushinikisha kwi obewa, kupichila mu Baibolo obe, amba Aye kechi wajinga Bulesa ne.”

80 Naambile mba, “Kyube. Inge Baibolo waamba byobyoyo, nanchi Nsakwikitabila, mambo Naketekela mba Kyambo kiji bulongo.”

81 Waambile mba, “Mujishinda pa kufuma ku kilende kyakwa Lalalaza, mwavuluka kyokyo mu Yoana Wazhila 11?”

Naambile mba, “Ami kine navuluka, inetu.”

82 Waambile mba, “Kyawama, pano, monka mujishinda, Aye wajijile. Aye Baibolo waamba mba, ‘Aye wajijile.’”

Naambile mba, “Kyakine, Baibolo waambile mba Aye wajijile.”

Waambile mba, “Wakonsha byepi Aye kwikala wa Bulesa kabiji ne kujila?”

Naambile mba, “Aye wajinga muntu.”

“Bumuntu ne Bulesa?”

83 Naambile mba, “Ee, inetu. Obewa wakakalwa kwi kimona. Aye wajinga ke—ke muntu wayilenga byobya, kasa abena kujila naboba bajijilenga, abyo ibyo, kumvwa bulanda pamo naboba baji nabulanda. Aye wajinga muntu. Pakuuba Aye byo atanyikile Wanji mucheche, mubiji wakoka, ne kwamba mba, ‘Lalalaza, iya kuno,’ kabiji muntu waji wafwa kupitapo moba foolo, waimene. Akya kyajinga kyakila pa bumuntu, awa wajinga Lesa mu Muntu.” Wakonsha kusangula bafwa ng’anyi, kanatu Lesa? Aye ye Lusanguko ne Bumi! Abyo ibyo.

84 Abwa bufuku pa kalunga, Aye byoajinga popa, wakoka, walajile kunyuma ya bwato, ponkapo badiabola teni sauzande bachipile mba Basakumulobesha abwa bufuku, kabiji aka kabwato kachehe kakala katupaukilenga nobe kizhiko kya kubotolo popa pa kalunga papupilenga kimpupu. Aba badiabola balangulukile mba, “Twamukwata Aye pano. Aye walala; tusakwibizha jibumba jonse.” Oo, Aye wajinga muntu, wakoka, pano panyuma yakumubusha, Waimikile kulu Kwanji ponka

pa kibumba, kabiji watajile peulu ne kwamba mba, “Mutende, zhindamai nzoo,” kabiji lubesha ne manyaki bya Mukokejile. Awa wajinga wakila pa bumuntu.

⁸⁵ Aye wajinga muntu mu kimye kyo Afwile zala, wafumine ku mutumba, kasa abena kukeba kashinkwa, nangwa kintu kimo kyakuja, nangwa mukuyu kufuma ku kinchi. Pakuuba Aye byo atolele tu mabisiketi tutanu ne masabi abiji, kabiji ne kujisha faivi sauzande, awa wajinga Lesa mu Muntu. Abyo ibyo.

⁸⁶ Oo, muntu yense waimene pa mutumba-wa-kunde waketekejile kyokyo, bonse basapaula baketekejile kyokyo. Kechi kyakukunya mba umo wanembele mba:

Aye Kwikala na bumi watemenwe; pa kufwa,
Wampulwishe;
Kuzhikwa, Aye wasendele bubi bwami bonse;
Kusaanguka, Aye wambingishe kyatutu myaka
ne myaka;
Juba jimo Aye ubena kwiya, Ke juba jawama!

⁸⁷ Eddie Perronet, mwina nyimbo yabujilwe kupotwa. Juba jimo, watelengejilenga na lutundaiko lwa Mupashi Wazhila, watolele pezulu, wanembele lwimbo mutanshi, byo anembele:

Bonse tumbijikai bulume bwa Jizhina ja Yesu!
Lekai Bamalaika bapone kikuvumene;
Letai michinya ya bumfumu,
Muvwikai Aye Nkambo wa bonse! (Aleluya!)

⁸⁸ Kyakine, abyo byotwaketekela mba Byoajinga. Ee, mwane.

⁸⁹ Aye wafwainwa kuketekela bintu bibula kubiwa, kundangulukilo yakatataka ya mujoja juba. Nanchi mwafwainwa kuketekela bintu bibula kubiwa, pakuuba mba mumone Bumi bwakatataka, pakuuba mba kintu kimo kimweke. Bino umvwe Aye watulukile... Aye Wamutulukile mba kyo Kyambo, nanchi bintu bibula kubiwa byakonsheka kubiwa, mambo Aye ye Mulenga, kabiji ukemana kuji kyonse kyo Aambile.

⁹⁰ “Kabiji bintu byonse byakonsheka kubiwa kwi booba baitabila.” Akyo kyo Kyambo Kyanji. Pakuuba bintu bibula kubiwa bimwekanyika inge Lesa waketekelwa mwaila Kyambo Kyanji. Ee, mwane. Umvwe Lesa waketekelwa pa Kyambo Kyanji, bintu bibula kubiwa bi—bimwekanyika. Inge Lesa waamba mba kikobiwa, nanchi mwatola kyokya Kyambo kabiji mwamona kika, bintu bibula kubiwa bimweka. Kyakine byubiwa.

⁹¹ Bino monai, nangwa mubyonse bya, waambile mba, “Nangwatu ponkapano, Nkambo, kyonse Anweba kyo mwakonsha kwipuzha Lesa, Lesa ukeyyuba.” Aye wayukile mba wakonshatu kutambula kyokya Kyambo kufuma kwi Aye. Kyo kyonka kyo akebelenga kubiwa, kyajinga kutambula

kyokya Kyambo. Ee, kyajinga kimye kyanji kyakila mfishi, kabiji Yesu wayishile ne kwita. Oo, kintu kyaji kintu kikatampe kyo bamwene, lusanguko!

Twayai tumone bintu bikwabo apo paishile bimye byamfishi.

⁹² Kimye kimo kwajingapo muntu umo, watelwa mba Yoba, umo wa bangauzhi beene bakala mu Baibolo. Wajinga muntu waile bingi nkuwa. Aye wajinga—aye wajinga watemwa Nkambo, kabiji waubile byonse byo ayukile kuuba. Kabiji Satana wakebele kumongola, nanchi waambile kwi Lesa juba jimo. . . Ee, Lesa wamwambijile, nangwa byonkabyo, “Wafuma kwepi, Satana?”

⁹³ Aye waambile mba, “Oo, nafuma nakwenda koseko-mpitang’ana kabiji ne-monse-monse mong’endaenda pantanda.”

⁹⁴ Aye waambile mba, “Obewa wamulangulukapo kala kalume Wami Yoba nyi? Kechi kujipo umo uji nobe aye panopantanda ne. Aye ke muntu walumbuluka.”

⁹⁵ “Oo,” waambile mba, “kine, Anweba mumupa bintu byonse, mumubila bintu byonse. Kyakine, aye ke muntu mukatampe. Bino ndekai kamukwate kimye kimo, Amiwa kapipula ngubilo yanji. Amiwa kamulengela kwi mufinga Anweba, mukilungi Kyenu.”

⁹⁶ Aye waambile mba, “Obewa kuuba wikyuba ne.” Alo loluketekelo Lwanji mu waitabila. Kika? Aye ke Wabula mpelo. Aye ke wa Peenape. Aye wayuka mpelo kufuma ku ntendekelo. Aye wayukile mba Satana kechi wakonsha kwikyuba ne. Mambo, Aye ke Kyambo, Aye wayukile byakonsha kuuba Yoba.

⁹⁷ Pano, vulukai, Yoba, wamulengejile kwikala na bipute, waipaile baana banji, wasendele byonse byo ajinga nabyo. Bututulu bwanji bwa mubiji bwapwile. Ne bonse bakumutekenesha baishile, kabiji kafwako kyo baubile ne kanatu kumushinawina amba ulenga mambo kumbaji. Kabiji Yoba wakala wafikile mu musango wakupelelwa.

⁹⁸ Wafwainwa kwikala mu musango wakupelelwa, patanshi. Wafwainwa kufika mu kimye kya kwikala kumpelo ya lwendo lobe.

⁹⁹ Yoba wafikile kumpelo ya lwendo, byo aambile mba, “Jafingwa juba jo Nasemekelwe. Lekai juba kechi jikasame ne, kabiji lekai ng’ondo kechi akasame bufuku ne, lekai jizhina jikabule kutelwapo.” Kabiji mu kyokya kijikila, ponkapo Yesu waishile. Aye watajile panshi, ne kwamba mba, “Namona, nobe muntu, jiluba jifwa, kabiji ne kusanguka jibiji mu kimye kyamilemba. Inge kinchi kyauma, kisapuka jibiji kupichila mu meema a mu kinchi.” Aye wamwene bumi bwa binchi kwikala na bumi jibiji, bino waambile mba, “Muntu ulala panshi, ne kuleka

kumweo, uya kwepi?” Aye wayukile mba ne mukote. Waambile mba, “Baana banji baishile nakumujila, kabiji kechi wikiyukile mo kyaila ne. Oo, kyakuuba mba Anweba mwafya mu kilende ne kundama mu kifulo kyafyamika, poso bukaji Bwenu bwapita. Mwatongwela kimye kabiji ne kumbikila mupaka wami. Atweba twaile. . .” Kabiji kasa aya byonkabya, na kwamba. Aye wajinga kumpelo, ya kupelelwa kwanji, “Kika kyakonsha kumweka? Mabula ekala na bumi, abwela jibiji ku binchi, maluba abwela jibiji, bintu byonse biya jibiji, pakuuba muntu ulala panshi ne kuleka ku mweo!” Aye wajinga wapelelwa. Aye kechi wayukile kyakonsha kumumwekela ne, kasa anji pa kyokya kipimo.

¹⁰⁰ Byo aubile byobyoy, ponkapo Yesu waishile. Lesa watazhizhe mutwe wanji mwiulu, kabiji wamwene Yesu kasa abena kwiya mu moba akupelo.

¹⁰¹ Akya kimye kyafishi yabaya bingi mukazhanji waambile mba, “Fingai Lesa ne kufwa lufu,” nangwa byonkabyo waambile mba, “Mwanamukazhi, obewa ubena kwamba nobe mwanamukazhi wabula maana. Aye Yehoba wapaine, kabiji ne aye Yehoba waangata, jitotwe Jizhina ja Yehoba.” Ne mukazhi wanji wa mukaine. Kipwilo kyanji kya mukaine. Bantu bonse bamukaine.

¹⁰² Mu kyokya kimye kyafishi, kimye kyo abujile kuyuka ko ayilenga kufuma popa, Yesu waishile wafika. Ponkapo wabijikile na jwi jikatampe, “Nayuka Mukuzhi wami uji na bumi, kabiji mu moba akupelako Aye ukemana pantanda. Kabiji nangwa mizambo ya mukikoba ya onauna uno mubiji, nangwa byonkabyo mu mubiji wami Amiwa kamumona Lesa, Ao ye kamona Amiwa mwine.” Mu kikyeye kimye kyafishi yakila, ponkapo Yesu waishile. Ee, mwane.

¹⁰³ Mosesa, mambo Mosesa, kimye kyanji kyafishi ikatampe mu Isalela kyafikile. Aye wajingatu monka mu mondonda ya mwingilo; wasambakene Lesa momwa mu kipupu, ne kwamba mba, “AMIWA YAMI JIIPO.” Aye waile konka kabiji walwile ne kushinda washijile misango yonse yakupashang’anya kwa ba Yenesi ne Yambalesa, kasa beseka kupashang’anya mingilo yanji. Abye byonse, aye waimenetu wakishika kwi Lesa. Kyapeleleko aye walengejile Isalela kwitabila. Kabiji aye walupukilemo mu Ijipita, kasa abena kuya ku—ku ntanda ya mulaye, ako Lesa ko aambile mba, “Anweba muka mpopwele Ami muyuwe mutumba.” Akya kyajinga Kyambo kya Lesa. Mosesa wayukile mba nafwainwa kuya kuyewa mutumba. Amena. Lesa ye wikyambile! Kafwako Felo wakonsha ku mwipaya ne. Kafwako diabola wakonsha ku mwipaya ne. Kafwako kyakonsha ku mwipaya ne. Aye ubena kwiya ku yewa mutumba. Amena! Aleluya! Naumvwa bupopweshi. Aye uben kuya ku yewa mutumba.

104 Nanchi tuji mu jishinda jetu ja kuya ku Lukumo! Kafwako nangwa kimo kya kwitukanya ne. Ine, mwane. Lesa ukashinikisha Kyambo Kyanji. Amiwa kechi natako muchima nangwa kyubiwe byepi ne, Aye ukeyyuba, nangwa byonkabyo. Ee.

105 Kasa aji mujishinda janji, monka mu jishinda ja mwingilo. Awe pano, kasa aji mukachi ka kipachiko kya mitumba. Aye watelekele ne kumvwa kyongo kunyuma yanji. Kyokika? Felo bambili banji, baji biumbi, kasa beya; bamvwala bya kondo, ne mafumo ne bintutu bikwabo, kwi bapitaila na bambili ne kwi banyachijila. Kulutwe kuji Kalunga Kachila, kachibijile kulutwe. Kika kyo aubile? Aye waikele wap-...Aye waikele wapelelwa. Bantu bonse bajijilengatu, "Oo, pano kitufikila. Felo usa kwitupaya, mapoko anji asa kwituchibaula. Baana betu basa kufwilatu moka muno mungye."

Mosesa wajijile, "Anweba Lesa!"

106 Kabiji ponkapotu Yesu waishile pa kyokya kifulo. Aye wajinga Mumbulungwa wa Mujilo. Abyo ibyo. Aye waishile panshi ne Kukobama pakachi kanji ne bulwanyi. Amena. Aye ye Wakupita-pakachi. Aye ye Wimana-pakachi, amena, ye Ng'ambi. Waimene popa Aye, kasa aimana popa; mfishi kubena Ijipita, abo baishilenga na kweseka kubapo kintu kimo pe abo. Aye wajinga Kyeya kwi abo, kya kwenda nakyo. Nanchi kimye kya lukeelo lubesha byo lwatatwile kupupa kyakosa, abwa bufuku, nanchi Waubile ka? Aye waishile mu musango wa Mumbulungwa wa Mujilo.

107 Vulukai, Aye ukijitu Mumbulungwa wa Mujilo. Ee, mwane. Byo Ajinga panopantanda, Waambile mba, "Nafuma kwi Lesa, kabiji Nkabwela kwi Lesa."

108 Kabiji panyuma kufwa Kwanji, kuzhikwa, kusanguka, kabiji ne kuya mwiulu; Paulo Wazhila, mu mukwakwa pa kuya ku Damasakasa, Mumbulungwa wa Mujilo wa mufikijile. Vulukai, aye wajinga mu Hebelu. Aye inge kechi waambile kikye. . . Waambile mba, "Nkambo, Yenu Bang'anyi?" Kisopelo kikatampe N-k-a-m-b-o, Elohimu. "Yenu bang'anyi Anweba ye Mbeni kumanyika?"

Aye waambile mba, "Amiwa Yesu."

109 Amena! Aleluya! Aye ye Mutanshi ne Wapelako. Aye ukijitu pamo. "Mukakimye kacheche bapano pantanda kechi bakomona Ami ne, pakuuba anweba Mukamona. Amiwa kekala nenu, ne mwi anweba." Awa Mumbulungwa wa Mujilo umo, Lesa umontu kasa ooba bintutu bimo, na mulaye umotu, amena, kulenga Kyambo Kyanji kumwékanyika. "Amiwa ne Lusanguko ne Bumi. Amiwa Yami iye Wajinga, Yenka Ujipo, kabiji Ye Yewa ukeya." Ee, mwane. Ee.

"Bashakulu betu bajilenga maana mungyetu."

¹¹⁰ Aye waambile mba, “Abo, bonse, bafwa. Pakuuba, AMIWA YAMI JIIPO.” Mosesa . . . Mukipupu kyatemenga, awa wajinga JIIPO. Aye ukijitu JIIPO, kechi mba NAJINGAPO ne; JIIPO, kijipo bukatataka, bimye byonse.

¹¹¹ Twatana papo mba Mosesa bamufinakenye monka muyuwe koono, kabiji ne Kilishitu waishile. Bino, ne Baibolo waambile mba, amba, “Mosesa wamwene abya—abya byamyendeleko ya Kilishitu ke bunoshi bukatampe kukila bya bunoshi bwa mu Ijipita.” Myendeleko ya Kilishitu! Kilishitu wajinga kokwa ku Shingwa manyi, awa Logos wafumine kwi Lesa. Awa Malaika, yense utanga Baibolo wayuka mba awa Malaika wajinga Kilishitu. Kabiji Wajinga momwa mu kiselebwa, kabiji Aye waishile pakyokya kifulo, mu musango awa Ye afwainwa kumwekelamo. Lukumo lwikale kwi Lesa!

¹¹² Aye waiya leelo mu musango, yekatu umo Kilishitu, wakumwekelamo.

¹¹³ Aye wibambijile mba Ukebalupulamo. Aye wikyubilenga. Apa Waishile na kwimana kulubaji lwa Kyambo Kyanji, mu kwi Kishinikisha. Nanchi panyuma Yakwiya, nobe byonka byo Aubile kwi Mata, ponkapo Aye waichile. Waambile mba, “Mosesa, kika kyo ubena kujijila kwi Amiwa? Bambile babo bantu, amba yanga kulutwe.” Akyo kimye kyamfishi, Kalunga Kachila kashikukile kabiji baabukile kubushiya, pa lwendo lwabo mu kufikizha Kyambo kya Lesa. Ee, pa kimye kya mfishi yafichisha yakwa Mosesa, ponkapo Yesu waishile. Tuji na kimye pano . . . Kabiji Aye waichile Mosesa.

¹¹⁴ Twasaka kuleta milanguluko yenu ku mwanamulume mukwabo mucheche. Jizhina janji jajinga Jailosi. Mobaji bavula bingi muntanda leelo. Aye wajinga waitabila wabufyafya. Aye wamutemenwe Yesu. Aye waumvwine pa mambo a Aye. Aye Wamuketekejile. Bino, mwamona, aye wakwatakene kala na kabungwe. Ee. Aye—aye—aye—aye waubiletu . . . Aye wakakelwe kwiya na kwikisolola. Aye wikiketekejile, bino kechi wikisolwele ne, nanchi aye wakwatakenetu na babula kwitabila. Bino kine aye wikiketekejile.

¹¹⁵ Mwayukatu, umvwe muntu waikala muyewa musango, kimye kimo Lesa umuleta pa kifulo kya kubekya. Mu kimye kya kupelelwa popo tumweshwa misango yetu, musango mwine yetujimo.

¹¹⁶ Nanchi byo ajinga, wajinga wakwatakana kala na babula kwitabila, kabiji aye waile na kubika jizhina janji pa buuku, ne bintutu bikwabo. Kabiji wajinga pulisiti, kabiji nanchi aye—aye wakakelwetu kwisolola, mambo akya kyokyajinga kitupa kya kajo. Nanchi, bino aye watwajijiletu na kuketekela Yesu.

¹¹⁷ Juba jimo, songwakazhi wanji wa mucheche wakolelwe. Oo, ami. Aye, kwakubula ne kuzhinauka ne awa muntu, inge aye . . . muyewa musango, wafwaijilwe kwita badokotala.

Sendwe wamichi waishile, wapaine ne bukwashe ku mwaana. Mashika anji popo akijilemo ne kukilamo. Pakupitapo kimye kicheche mubiji wanji wakabile bingi, kabiji ne byonsetu, poso byo aishile kufika pa kifulo kyakukeba kufwa. Aye wapelejlwe. Wakebelwe kubapo kintu kimo. Aye—aye kechi wayukiletu kya kuuba ne. Pano aye walangulukile mba, “Inge Nakonsha kumutana Aye, konse konse ko Aji.” Bino aye kechi wapembejile mba kifike kimye kya bufuku ne, nobe byaubile Nikondema, kwikala na misambo ya kumbaji. Kimye kyafikijile kyakuuba mba kyubiwe, kimye kyafikijile kya kuubapo kintu kimo kabiji kwingijilapo ponkapotu.

¹¹⁸ Kabiji Nalanguluka mba, mulongo, nyenga, byokiji ne pakino kimye. Kimye kyafika kyakwingijilapo. Kimye kyafika kya kuketekela nangwa kubula kuketekela. Mulaini wa lwabano ufika pa mwanamukazhi nangwa mwanamulume. Kifika pa yense mwaana. Kimye kimo umvwe wapita payewa mulaini, peklatu kintu kimo kishalako, ke luzhachisho, umvwe wapita pakachi ka lusa ne luzhachisho, umvwe wapita payewa mulaini.

¹¹⁹ Vulukai, aye wapelejlwe. Aye kechi wayukile kyakuba ne. Apa payimene ne mapulisiti banji, bonse balabi kasa baimana koaji. Lumvwang’ano lwabumpopweshi lwajinga ne aye, bonse popa, kasa babena kumumona awe songwakazhi wa mucheche na kufwa. Ba dokotala kasa baimana pangye, na maboko anji kasa evunga, kasa bemuna maboko anji, “Amiwa napana muchi yense ye Nayuka, kabiji kikijitu . . .”

¹²⁰ Monai, kyajinga Yesu waingijilenga kimye kyonse. Yesu waubilenga kikye na mambo akintu kimo, pakuuba mba mufume musango umo muyuwe mulunda mucheche mubiji. Pakupitapo kimye kicheche, Nakonsha ku mumona waya nakusenda kisochi kifita kya kicheche ne kwi kimvwala, watola kochi wanji wabu pulisiti wa mumvwala.

“Ubena kuyapi?”

¹²¹ “Amiwa . . . Naumvwa mba Uji ku mukola. Amiwa mbena ku Mulondela!” Oo, ami! Byo byo aile ne kuya!

¹²² Mu kyokya kimye kya kupelelwa, aye wafukwile kyakuuba: kuleka mwananji kufwa, nangwa aye wayukile mba akwa kwajinga kusololwa kwa Kyambo. Aye wajinga pulisiti, kabiji watangile Kyambo, kabiji aye wayukile mba akwa kwajinga kusololwa kwa Lesa. Lesa wajinga mwi Kilishitu, saabena kupwanya ba panopantanda ne Ayemwine. Aye wayukile kyokyo, kabiji bamukajikizhe na mambo akikye kintu. Aye waubile kilubo, waleka mwananji wafwa, nangwa kwisolola. Byo afikile pa kupelelwa, kyajinga pa kyokakya kimye Yesu po aishile. Aye waile na Kumumona. Aye waambile mba—Aye waambile mba, “Amiwa sakuya nobe, kyonsetu kyo usakwamba.” Kabiji waimene keaye mu mukwakwa, kwaishile ubena kunyema lubilo, kintu kya fishi kokwa. Wisolwele

mwine, amba Aye wamuketekejile. Aye mwine wifungileko kulumvwang'ano, ne kwibika ayemwine ku meso a bantu bonse, amba wajinga waketekela mwi Yesu.

¹²³ Kabiji awe ke eye ubena kunyema lubilo, ne kwamba mba, “Kubuula muntu nangwa umo ne, mambo songwakazhi obe wafwa kala. Wafwile ja keesha japita. Aye wafwa kala. Kechi, kechi mutwaleko kukosamika ne.”

¹²⁴ Kabiji, oo, muchima wanji wamucheche waubile nobe wakakalwa. Bino aye watajile ne kumona aa meso akwa Yesu, ne kwamba mba, “Kechi Najikwimwambila anweba nenyi? Kechi mube moyo ne, inge musaka kumona lukumo lwa Lesa. Kika kyo mubena kuchiina? Ne mubula kala namba Amiwa nsakuya.”

¹²⁵ Aye waamba kala mba Usakwiya. Aye waamba kala mba Ukoba kikye, kabiji papo Ubena kwikyuba. Amena. Aye waambile mba Ukeya pa kyokya kifulo mu moba apelako kabiji ukoba bibye bintu byonka byo Aubilepo, nobe byonka byo twajikutanga bufuku bwapita ne kwamba. Apano Aye ubena kwikyuba. Kika kyo mubena kuchiina?

¹²⁶ Vulukai, byo Aishile, kabiji Wamwichile kufuma mubafu. Aye waishile pa kyokya kifulo kabiji ne kumwita kufuma ku bafwa.

Wakala mpofu Batimesa, kimye kimo, wakumenye kimye kyakila mufishi.

¹²⁷ Yesu wajinga konkakwa, wanengezhe kajo ka kwiaula ka Bonka Bantu Basulu ba Mambo awama konka akwa ku—ku Yeliko, kabiji Aye wajinga ne Zakyasa konka kwa. Aye wamukumenye ku kinchi, monka mu mukwakwa. Nanchi Aye byo ajinga. . . Kyawama, Aye kechi wanengezhepo kintu kikwabo ne, Amiwa naketekela. Mwamona? Nanchi Aye byo aishile kokwa, kabiji Aye—Aye wajinga nanji, Zakyasa wailenga Nanji.

¹²⁸ Mukote mpofu Batimesa waikela mpofu kufumatu kimye kyo ajinga songwalume mucheche. Nanchi aye walangulukile mba Yesu kape usa kulupukila kuyewa ngeti, kabiji aye wapembejilenga. Pakupitapo kimye kicheche waumvwine kyongo kikatampe, kabiji ne bantu bonse kasa balondela.

¹²⁹ Kabiji aye waumvwine pulisiti ke ambe mba, “Hey! Hey, obewa ubena kuya kokwa kumutumba! Bushe—bushe—bushe. . . Twaumvwa mba usangula bafu. Tuji na manda onse ayulatu bonkabonka kuno. Inge obewa yobe Mesiyasa, inge obewa yobe Mesiyasa, iya kuno usangule bafwa.”

¹³⁰ Mwayuka, awa diabola umo ukiji na bumi ne luno, mwamona, mu musango wabumpopweshi, mujishinda jimoto. Mwamona?

¹³¹ “Inge yobe Mesiyasa, atweba. . . usangula bafwa; tuji na mpuzha ya bilende kobayula kokwa. Iya.” Kabiji, oo, bantu

bonse bajijilenga. Umo wabijikilenga mba, “Hosana kwi Ngauzhi!” Ne mukwabo wabijikilenga *kikye, kyokya*, nangwa akya *kikwabo*. Kivundakanya kya musango yewa!

¹³² Awe mwanamulume mpofu mukote walangulukile mba, “Oo, Amiwa na Mupusa. Aye waishile konka kuno, kabiji Nalangulukile mba Usa kwiya kuno. Amiwa nabikwa pa kifulo k yatama.” Kabiji aye watatwile ne kubijika. Walangulukile mba, “Inge Aye ye Kyambo, Aye ye Lesa; Aye byobyo afwainwa kwikala.” Nanchi, “Anweba Yesu, Anweba Mwaana wa Davida, ngubilai lusa!” Mu kyokya kimye kya kupelwile, aye wamwichile.

¹³³ Bino Yesu, inge mwakonsha kumona papo, wajinga ku Yeliko. Nkobaambile mba koaikile, aye wajinga mayandi aduleendi ne fifite kufuma kwajinga Yesu. Na masauzande a bantu kasa babena kumunyemena na Kumuzhokoloka, Aye inge kechi waumvwine kujila kwa yewa muntu ne. Ine. Pakuuba Aye wikyumuwine. Aye waimene.

¹³⁴ Amiwa nakeba kusapwila, bufuku bumo: “Kabiji ponkapo Yesu waimene.” Oo! “Kabiji ponkapo Yesu waimene.” Oo!

¹³⁵ Bino Yesu byo aimene, kyajinga kika? Aye wamwichile. “Aye Nkambo waiya. Kechi mukooke ne,” byo baambile banababwanga, “Ubena kwimwita. Aye ubena kwimwita.” Wamwichile kufuma mu jibumba.

Aye ubatu kintu kimo ne pakino kimye. Bushe kibena kumvwanika nyi? Mwamona?

¹³⁶ “Aye Nkambo waiya kabiji ubena kukwita.” Kabiji Aye wamwichile kufuma ku bumpofu kwiya ku kyeya, kufuma ku mfishi kuya ku kyeya. Kabiji Aye wamwichile, ne kufuma kulufu kuya ku Bumi. “Aye Nkambo waiya kabiji Ubena kukwita.” Kabiji Aye byo amwichile, Wa mubwezhhezhe meso anji.

¹³⁷ Awa mwanamukazhi wachepa mubiji wajinga na lukatazho lwa mashi, kimye kimo, wakajijile pa katumba, ne konauna mali anji onse, na bamadokotala. Aye, kwakubula luzhinauko, wapoteshe aja—aja jibumba. Abo bapoteshe aya—aya fwamu, bamubikile pa lupoto. Baonawine byonse byo bajinga nabyo ku basendwe bamichi, kafwapo nangwa umo waubilepo kyawama ne. Aye kyailengatu na kutaminako na kutaminakotu. Mashi kechi alekele ne. Kikupu, kyailengatu nakuya kulutwe, kyailengatu na kuzhika na kuzhika.

¹³⁸ Kabiji juba jimo, kimye kyo aikele byobya na kupikula, apa pakatumba po aikalanga, watajile mushi ya kipachiko, kabiji wamwene bwato bwaiya. Bantu bonse batatwile kunyema, “Hosana kwi Ngauzhi!”

¹³⁹ Aye waumvwine na mambo a Aye. Lwitabilo lwiya pakumvwa. Pano aye waambile mba, “Amiwa nsakuya konka na kumumona Aye.”

¹⁴⁰ Kabiji byo aendele kuyako kokwa, kabiji wamwene mu kimye kitanshi Kyambo kya Lesa kyamweka mu bumuntu, pajinga kintu kimo na mambo ang'ambilo Yanji kabiji ne mwenkelo Yanji, kyakuuba mba wamuyukile amba Iye. Ee, mwane. "Oo, inge Nakonsha kukebula milanguluko Yanji mujishinda jimo, kyakuuba mba Nakonsha kumukwata Aye mu musango umo!" Kabiji aye wapichile mukachi ka jibumba ne kukwata ku kya kumvwala Kyanji.

¹⁴¹ Pano vulukai, kechi kyajinga munwe wanji Ye aumvwine ne. Ine, mwane, mambo kyakumvwala kya ku Palasitani kyalukula ku mubiji. Kabiji Aye . . . abo b- . . .

Petelo waambile mba, "Bantu bonse Bemukwata."

¹⁴² Aye waambile mba, "Pakuuba aaye kekwachilo yapusanako. Nalanguluka mba Naumvwa bulume bwafumamo."

¹⁴³ Yesu waishile. Mali anji apwile, bintu byonse byapwile; bino pa kyokya kimye kyafishi mashi po abujile kuleka, kabiji madokotala kechi beapwishishe ne, Yesu waishile. Kabiji Waubile byepi? Wamwichile. Wakeketele kuzhokoloka poso byo Amutaine, kabiji Aye waambile mba, "Obewa wajinga na lukatazho lwa mashi, pakuuba aleka."

¹⁴⁴ "Aye ujitu pamo keesha, leelo, kabiji myaka ne myaka." "Aye Nkambo waiya kabiji ponkapo Aye ubena kukwita. Aye waiya kabiji ne Kwita." Aye wamwichile kubwela ku bututulu bwawama.

¹⁴⁵ Awa mwanamukazhi wa mubiji muheche pa mushima, byo twaambilepo bufuku bwapita, luketekelo lonse lwapwile. Kapepo, kape mulume wanji wa butanu wamulekele, kabiji aye popo asendele wa busikisi abwa bufuku, kabiji aye—aye wajinga na luzhinauko pe aye. Mwaila byubilo, wajinga wapwa. Aye wakebelenga kwikala inetu mwine mwine; kwakubula luzhinauko ne, aye watangilenga Baibolo.

¹⁴⁶ Kabiji aye wailenga konka kwa, wailenga kokwa na kimye kya leveni koloko. Aye kechi waishile kumanyashi lukeelo kimye banabakazhi baoloka pobeya. Kabiji basendele meema pa mitwe yabo, ne bipopa, kabiji ne kubwelako. Kabiji nanchi kechi wakonsha kwiya, na kwimvwanga nabo ne. Abo, bajinga na misalululo mo oa moba, kyeya ne kyatama kechi byakonsheshe kumvwangakana ne. Babyubilo byatama bayikelenga kubifulo byabo, nanchi aye kechi wakonsha kwiya nabashala ne. Abo kechi bakonsha ku muswisha amba eye ne. Nanchi pakupwisha bantu bonse batapula meema abo ne kubwela . . . Aye wanangile byawama.

¹⁴⁷ Kabiji nanchi aye waishile na mwipika pa mutwe wanji, kwakubula ne luzhinauko wailenga mujishinda, "Bino, mwanamulume ye Nasongwelweko, nangwa, ye najinga nanji bufuku bwapita, Amiwa mbena kumuzhinauka. Aye mwanamulume, byubilo kechi byawama ne. Amiwa—Amiwa

kafwako nangwa kimo kyo nayukapo pe aye ne. Amiwa kechi najingapo na kimye ne. Amiwa bapanga kufuma mu kijiji. Kabiji Amiwa kechi nakonsha kuya ku byobya bipwilo ne, abo kechi. . . Pano bamonaitu! Amiwa kechi nayuka byakuuba ne. Amiwa na pelelwa. Kabiji Nabatangenga Baibolo; kinetu, juba jimo, awa Ngauzhi ukamweka. Bino Nayuka mba abo baamba mba kechi kujipo kintu kyayewa musango ne, kabiji akye kiji bibye, ‘Kapepo myaka aduleendi yakupitapo, kabiji ne myaka kiumbi kimo kya kupitapo. Twapembejilenga kikyepa pa myaka masauzande, kabiji kechi kyakimwekapo ne, nanchi kechi tubena kwikikebela pa kino kimye ne.’ Bintu byonse byo biji, ‘Oo, ine, tuji na bipwilo ne bintu bikwabo. Atweba kechi tubena kukeba bintu bikwabo bya byobya pa kino kimye ne.’” Nanchi pano aye wailenga monka mu mukwakwa, na kulanguluka.

¹⁴⁸ Mwayukatu, inge mwalanguluka pe Aye, kyo kimye kyo Amweka kwi obewa. Nobe kyotwajinga nakyo bufuku bwapita, byo bajinga mu mukwakwa kuya ku Emasa.

¹⁴⁹ Kimye aye kyo alangulukilenga pa bibye bintu, waumvwine Mwanamulume waamba mba, “Ndetelepo Amiwa byakutoma.”

¹⁵⁰ Pano kyokika? Mu kimye kyanji kyakila kufita, kimye byubilo byanji po byatamine bingi. Kapepo inetu walamba wachepa kamubiji, wipaine mu mukwakwa amba amwenemo bwikalo. Kimye kimo kechi lukatazho lwa yewa songwakazhi wachepa mubiji ne, ke lukatazho lwa basemi, bamulekele kutanwa muyewa musango. Kabiji ye yewa, kapepo suki yanji ibena kupepela; wapwilemo ngovu, kasa abena kuya kulutwe, wakooka, kabiji kechi pajingapo muntu nangwa umo wakwingila nanji ne, awa mwaana, kabiji kapepo kunyuma kuji jishimikila jabaya bingi.

¹⁵¹ Nangwa byonkabyo, Nayukapo kintu kimo, watangile mu Baibolo, kabiji waketekejile Baibolo. Kabiji momwa mwajinga kalukunwa kacheche kalajile mu muchima wanji, waambile mba, “Inge kyakonsha kumweka, Amiwa ne kiyuka.” Aye watongwejilwe kyokya.

¹⁵² Monai payewa Yudasa wakala waimene popa kabiji ne kuuba byubilo byo aubile. Mwajinga mwafita mukachi ka muchima wanji. Akya Kyeya kyasaminenga monka mu mingilo yanji, pakuuba mukachi ka muchima wanji kechi Wikiketekejile ne. Kabiji wajinga byobya. . . Monai, Kyeya kechi kyafikile mukachi kakyokya ne. Bino byobyoby ajinga, waketekejile, aye Wikiketekejile, pakuuba bumi bwanji bwajinga bwafita; pakuuba Kyeya byo kyasamine, Kyafumishopo mfishi. Pakuuba Kyeya byo kyasamijile mumwe, Kyafumishopo mfishi. Alo lolupusano.

¹⁵³ Monai, aye wasemekejilwepo kintu kimo. Aye—aye waambile mba, byo Amubujile banabalume bo ajinga nabo, aye. . . Kika

kyamwekele? Aye waikele mu musango wakumvwa bulongo. Aye wapelejilwe. Aye waambile mba, “Mwane, Naketekela mba Anweba mwi Ngauzhi. Nayuka mba Mesiyasa byo akeya, Ukoba bibye bintu.”

¹⁵⁴ Ponkapo Aye wamwichile. Ponkapo Aye wamwichile. “Amiwa yami Iye, Ubena kwamba ne obewa.” Aye wikiyukile kupichila mu Kyambo kya Lesa. Aye wamwichile kufuma kububi bwanji, ne kuya ku Bumi. Kabiji jizhina janji jiji mu Baibolo, kabiji leelo uji na Bumi bubula kufwa.

¹⁵⁵ Aye wakonsha kukwita mu musango umotu, mambo Aye ujitu pamo keesha, leelo, ne myaka yonse. Aye . . .

¹⁵⁶ Ee, byubilo byanji byatamine bingi, nangwa byonkabyo aye wayukile mba Aye uyuka bapashi. Aye wayukile mba awa wajinga Mesiyasa. Kabiji Yesu byo aambile mba, “Amiwa yami Iye, Amiwa yami Iye,” aye wayukile amba iye.

¹⁵⁷ Kimye kimo banababwanga bajinga mubwato, ne luketekelo lwabo lwapwile. Abya bipupu, bayilenga kwakubula Yesu, kabiji bipupu byajingatu nobe—nobe byonka byo kyajinga ku nzubo yakwa Lazalaza. Luketekelo lonse lwapwile. Aka kabwato kakacheche kakala kalobele na meema. Kabiji babijikilenga ne kujila, kabiji kape balombelenga ne bikwabotu, kabiji ne kubyasha kwamwekelenga, kabiji bwato bwayujile na meema, binchi bikwata bisapi bya mwela byakulukile panshi, ne bilapo bya mokocele, kabiji bekwachilenga abo bene, kasa bajila.

¹⁵⁸ Kabiji mukyokya kimye kyamfishi ikatampe, ponkapo Yesu waishile kasa enda. Bino Aye wamwekele kwi abo nobe kivule. Aye wamwekele nobe kimonwamonwa, nobe mupashi, kabiji bajijile na mambo amoyo.

¹⁵⁹ Abyo byokiji ne buleelo. Yesu wiya mu kimye kyenu kyamfishi, kabiji anweba mwikala namoyo Nakyo. Anweba kechi mwikyuka byo Kiji ne.

¹⁶⁰ Abo kechi bamuyukile byo Aji ne. Baambile mba, “Oo, ke mupashi!” Abo babijikilenga.

¹⁶¹ Kabiji ponkapo Aye wibechele, ne kwamba mba, “Kuba moyo ne, ye Amiwa bano.” Mu kimye kyamfishi ikatampe, Yesu popo eya, bukwasho Bwabo. Ajo jojishinda Aye jo obilamo kimye kyonse, wiya mu kimye kya mfishi ikatampe. Ponkapo Yesu waishile ne kwi mwesha Ayemwine, kabiji waishile kobaji.

Petelo waambile mba, “Inge ye Anweba, ng’ambilai amiwa ng’ende pa meema.”

Yesu waambile mba, “Iyai.”

¹⁶² Mwayuka kine kintu, balunda? Katatakatu Aye akebalonde mu ano moba apelako. Bushe, kechi kyenyi ne kyakuuba mba kipwilo kyafika mu kino kimye kyamfishi jibiji?

163 Amiwa mbena kwambapo kintu kimo papo. Kechi lufunjisho ne. Amiwa mbena kwaulatu. Anweba mwayuka byamweka nyi? Kikeya kufika pantu pa kuuba mba, katatakatu, labijilali byambo byami, amba madinominesheni onse akatwela ne kukwatakana na Kinje Kyabupopweshi. Inge babula kuuba byobyoye ne, kechi bakekala na bukwasho kufuma ku Kinje ne. Onkao mambo, kukekala kukanya, kabiji kafwako nangwa umo wakonsha kuya mu bibye bipwilo ne, nangwa kuya ku bipwilo biji byonse ne; kanatu uji na kiyukilo kyafuma ku kipwilo kyobe, kechi wakonsha kupota nangwa kupotesha ne. Mwikimona byonka byo kyajingatu, nanchi byobyoye kikekala ne jikwabo, kiyukilo kya lukinyama. Kabiji kipwilo, kibena kumona kyokyo, bantu babu mupashi.

164 Kabiji anweba bantu baki Pentekosito, nangwa byonkabyo, babena kwikimona. Anweba mwatatula kumvwa kinemenezhi kyakikye. Umvwe bipwilo byenu, bipamo byavula bya ba Pentekosito; kabiji kechi Nafwainwa kutongola mazhina enu ne, mwayuka ponkapano banena—babena kwiya na kutwela monka. Abo bene baikala bakamonyi mba byo baji. Kabiji umvwe mwauba kyokyo, kika anweba kyo mukoba? Anweba mukaleka lufunjisho lwenu lwa Kusapwila pa bya lubatizhilo lwa Mupashi Wazhila. Anweba mukaleka lufunjisho lwenu lwa Baibolo.

165 Kabiji ba membala kechi bakakonsha kikye ne. Wasemwajibiji kyakine Mwinakilishitu ukafwa, kitanshitu. Bapewa lujimuno ku Kyambo. Bayuka mba abye bintu bibena kwiya. Ee, mwane.

166 Kabiji akye kechi kyenye ne? Kabiji monka mu kimye kya mfishi ikatampe, ponkapo Yesu waishile ne kwitwita, waambile mba, “Kechi mumvwe moyo ne. Ke Amiwa. Amiwa kijitu nenu. Amiwa nji pano na kumweshi Kyambo Kyami.” Nobe byonka byo Ajinga kyokya kimye, nanchi byobyoye Aji ne pano. Aye waambile mba Ukeyyuba. Oo, ami! Aye Nkambo waiya kabiji witwita.

167 Bavula bantu bakolwa muno, kwakubula luzhinauko ne, baikala muno, kabiji badokotala bakubula kechi kuji—kuji luketekelo lwenu ne. Anweba mwakonsha kwikala mukimye kyamfishi ikatampe, bino, vulukai, Nkambo waiya ne kwimwita.

168 Kabiji juba jimo, juba jimo, Nkambo ubena kwiya ne kwita pa jizhina ja muntu yense wanembwa mu Buuku wa Bumi wa Mwanamukoko. Inge jenu jifwamo, jibikaimo ponkapano, mambo Aye ubena kwiya kabiji nekwiita. Neboba baji mu kilende bakomvwa Jiwi Janji kabiji waikela na Bumi. Aye Nkambo ukeya kabiji ukemwita. Kabiji kimye Aye kyo abena kwita leelo, kumbulai ne kwinengezha pa joja Juba, bo bukwasho bwami kwi anweba.

169 Mulaye wa ino nkulo, Aye walaile mba Ukekala konka. Bintu byo Aubile, Aye ukebyuba ne jikwabo, kabiji ne jikwabo Nkambo waiya ne kwimwita.

170 Twayai tukunyike mitwe yetu. Amiwa njina bipepala bikwabo sikisi kuno, bino Amiwa—Amiwa kechi nakonsha kufika koko ne. Twayai tukunyike mitwe yetu. Naji kwi mulaya kwi mulekako bukiji, kabiji yapita kala pa kota yakimye.

171 Taata Wamwiulu, Anweba Nkambo, lekai kimweke ne jikwabo. Byonse bye bintu byo Naamba, “Yesu waiya kabiji ubena kukwita.” Uba ka Aye umvwe Waiya? Aye wita. Kabiji lekai kimweke ne jikwabo, Nkambo. Lekai Wenu Mupashi Wazhila eye mukachi ka bantu bufuku bunu, aye Nkambo Yesu mu musango wa—wa Mupashi. Mulekai Aye eye bufuku bunu ne kwisolola Ayemwine, kabiji ne kwi mwesha Ayemwine. Nobe boba bantu, byo baketekejile, tukaketekela, ne atweba, Nkambo. Muji bavula muno, kapepo, abo babula kwikalapo najije jishuko. Twalomba mba Anweba musakwikiswisha bufuku bunu ne jikwabo. Mambo twikipuzha ku lukumo lwa Lesa, mu Jizhina ja Yesu. Amena.

172 Akyo kyawama, nyenga, bino yaingatu kulutwe na kyokyo. Akyo kyawama. Yaingatu kulutwe. Oo, zhindamaitu zoo, anweba bonse.

173 Mwaketekela mba Aye waiya nyi? Waiya. Bushe Aye ukitatu umvwe Waiya nyi? Pano inge mwakonshatu kuketekela. Inge mwakonsha kuketekela Kyambo kya Lesa, Lesa wakonsha kwikiswisha.

174 Pano talai, Amiwa kechi nji na kimye kya kwita mulaini wa milombe kuno ne. Amiwa nsakwibeta bufuku bunu, monka mwa, inge Nkambo waswa. Aye Nkambo waiya. Aye waiya na kufikizha Kyambo Kyanji mu juba japelako. Kabiji abya byo Ajinga kyokya kimye, byo Aji ne leelo. Byajinga kusololwa Kwanji nangwa kuyukanyikwa pa kyokya kimye, byokiji ne leelo, mambo Aye ukijitu Kyambo kya Lesa. Mwikiketekela akyo nyi? Kabiji Kyambo kya Lesa Kipima milanguluko, ne kulondaizha mwaila muchima. Kabiji jishinda Aye jo ekyubijilemo kyokya kimye, jo jishinda Aye jo aubilengamo kimye kyonse. Aye ukijitu musango umo. Inge Aye wakonsha kwikyuba ponkapano, mwakonsha kwitabila mwi Aye nyi? Kyakonsha kwi mulengela anweba ku Mwitabila nyi?

175 Anweba bantu muji koko pakino kimye, lekai mone patanshi kana kujipo muntu umo ye Nayuka, waikala kuji konse muno, ye Nayuka.

176 Anweba bonse mwazhokoloka, peulu *papo*, babula kungyuka, sutulaiko maboko enu; mwayuka mba Amiwa kechi nayukapo nangwa kimo pe obewa ne, kabiji wakolwa, sutulaiko maboko enu. Naketekela mba, bonsetu. Kijitu bulongo, pano,

mwaketekela. Anweba ketekelaitu na muchima wenu yense. Kechi muzhinauke ne. Ikalai na lwitabilo. Ketekelai Lesa.

¹⁷⁷ Amiwa mbena kwi mwipuzha kwikala bazhindama nzoo, ikalaiko. Kwendauka pano ne, ne musashijila kwikyuba ne. Mwamona? Mwamona? Obewa wi—wi mweo, mubiji, ne mupashi. Kabiji mupashi wenu. . . Kabiji aye Mupashi Wazhila wakaswa bingi.

¹⁷⁸ Baanga babena kuvuluka, myaka yavula kunyuma, amba Mupashi Wazhila, byo Naishile kuno kabiji ne mubujile? Inge Natola bantu pa kuboko, Aye wambujile mba akwe kuyuka bapashi kukeya, kabiji kikatwajijila? Anweba mwi kivuluka, mwavuluka kyokyo? Pakuuba Waambile mba, “Inge wakonsha kulengela bantu bakuketekela.” Avulukai aa moba, myaka yavula yapatapo? Anweba mwafwainwa kuketekela.

¹⁷⁹ Namwene mwanamulume, Naketekela kyajinga konka kuno mu mpwijilo ikwabo, waikela ponkapa. Kabiji aye Mupashi Wazhila. . . Namumwenenga kimye kyo Nasapwijilenga. Aye wajinga muntu kilema. Aye wajinga na byela mu mapa anji. Kabiji ponka po Natatwile kwita, Satana waishile ku yewa muntu, kivule kifita. Kabiji Amiwa ne kimwene na meso ami. Aye waimene ne kulupuka pangye. Aye kimye kyonse ukekalangatu kilema, mwamona. Kabiji nanchi, aye, po afwainwa kutambula lubuko inge aye waubiletu—waubiletu. . . Mwamona? Bino, nangwa byonkabyo, kechi Nayuka ene mambo ne. Naketekela watelekeletu ku mulwanyi. Bino inge mwakonsha kwimana ne kumona byobya bivule, monai byobya bintu mu misango, monka mobaikela, kabiji bamonai byo booba. Monai, kyafwainwa kwikala. . .

¹⁸⁰ Bino, Amiwa kechi nakonsha kubuka ne. Muntu wimubula mba wakonsha kubuka, aye waya mungi. Obewa wabukwa kala. Pakuuba, ke kutuluka Kyeenyi kya Yesu Kilishitu. Bino umvwe Mata wayukile mba inge wakonsha kumumona Aye ne jikwabo, amba wakonsha kutambula kukabila kwanji, mambo Aye wajinga Kyambo kyasololwa, bushe kuuba twaketekela kyokyo bufuku bunu ne, kwi kitabila? Kine, twafwainwa kuuba. Aye waiya. Aye waiya. Aye waiya mu musango wa Mupashi Wazhila. Abyo byobyo Byo Aji. Pano anweba lombaitu.

¹⁸¹ Monai, peulu papo, inge Najinga muntu umu waimana kuno, konka ku lubaji lwami, kasa—kasa abena kulomba; mwamona, bantu bavula bingi babena kulomba, kyakumbanatu konse mu kishimikwa. Anweba ngi kimonaitu. Anweba kuuba mwaamba mba, “Amba, Mulongo Branham. . .” Ine, mwane. Amiwa—Amiwa kechi nakonsha kwikyuba ne, pamotu nobe byonka byo mwakonsha kundotela kiloto. Mwamona? Anweba mwakonsha kulota. Anweba, Lesa wakonsha kwimulengela anweba kundoota amiwa, bino anweba kechi mwakonsha kwikyuba anweba bene ne. Anweba kuuba mwaamba, mba,

“Mulongo Branham, Amiwa nsakulota kiloto kyobe ne.” Ine, anweba kuuba mwikyuba ne. Nangwatu Amiwa kechi nakonsha kumona kimwesho ne. Yense wakonsha kwimupa kiloto anweba, ye yenka wafwainwa kwikyuba. Mo mujishindatu jimo byo kikala pa kimwesho.

¹⁸² Namona muntu waikala kukwe kupelo ya yuwe mulaini, na kikola kyamashimba. Inge wakonsha kuketekela na muchi wanji yense, Lesa usa kumubuka ku kikola kya mashimba. Bushe waketekela mba Aye usa kwikyuba, mwane nyi? Waikala kokwa, muntu mwina Mexico, waikala kupelo ya mulaini, usa kwikiketela nyi? Kijitu bulongo, mwane.

¹⁸³ Aye inetu waikala kwipi ne obewa, ne aye uji na kikola kya mashimba, ne aye. Bushe waketekela mba Lesa usakukubuka, inetu? (Bushe *akye* kiji na kikuwila nyi? Amiwa naakamwa bantu kechi bekyumvwa ne.) Musa kwikyuba nyi? Kijitu bulongo.

¹⁸⁴ Pano ngao mukwabo inetu mucheche mwina Mexico waikala kwipi ne aye? Ubena kukolwa na lukatazho lwa munda. Bushe waketekela mba Lesa usa kubuka munda mobe nyi, inetu?

¹⁸⁵ Aye wikitambula. Inge Namona kyokya Kyeya kyaikila panshi, kyalumbulula mba kyamweka. Ee. Akyo ikyo. Kyaji kumukwata. Byo byo Kyajinga, kasa kimuzhokoloka... [Kafwako kijipo pa tepu ne—Waku.]...akyo kikyuba. Mwamona? Inge Wakonsha kutana lwitabilo! Monai, “Bintu byavula kechi Wakonsha kwi byuba ne mambo akubula lwitabilo.”

¹⁸⁶ Apo paji inetu waikala papo kasa abena kulomba, ponkapo. Aye uji na moyo. Wafwainwa kwikala. Aye uji na lukatazho lwa kaasa, lwatama bingi. Amiwa kechi na kuyuka ne, bino Lesa wakuyuka. Bushe waketekela mba Lesa wakonsha nkumbula na iwe kaasa, nangwa kintutu kikwabo? Tale amiwa. Kuji bavula bingi koko babena kulomba, mwamona, kyo Mbena kwambila byobyoyo. Tala kwi atweba. Pano, ee, obewa kechi wiwakuno ne, uno kechi ye muzhi obe ne. Obewa wafuma ku mpuzha yatelwa mba Porterville, California. Abyo ibyo. Waketekela mba Lesa wakonsha nkumbuula kana yobe ng’anyi? Aye wayuka. Jizhina jobe wi Mrs. Wintham. Abyo ibyo. Pano ketekelai, kabiji kaasa usa kufumapo pe anweba. “Inge wakonsha kuketekela.” Abyo byo byonka Lesa byo abena kukwipuzha mba ube. “Inge wakonsha kuketekela.”

¹⁸⁷ Bushe waketekela kyokyo na muchima obe yense? Muntu umo ku lulwe lubaji lwa *kukwe*, mwakonsha kuketekela nenyi? Aye Nkambo waiya ne kukukwita. Aye ubena kukwita kufuma ku lufu kuya ku Bumi, kufuma ku misongo kuya ku bututulu.

¹⁸⁸ Kuno kuji muntu waikala kunyuma kukwe, wakunyika mutwe, kasa abena kulomba. Aye kechi ubena kwilombelela ayemwine ne, ubena kulombelela muntu ungi. Ke umo—umo songwakazhi. Ke mwananji wamukazhi. Bushe mwaketekela

nyi, mwane? Obewa uji na lukatazho na mauulu obe. Obewa uji na lukatazho na manungo obe. Abyo ibyo. Kechi mwafwainwa kujila ne, ao Iye uji kulubaji lobe. Mwanobe wamukazhi uji mu kipatela, kechi byo kiji nenyi? Lukatazho lwa kikola kya mukyaji. Anweba mwaketekala. Mwaketekela nyi? Aye Nkambo waiya kabiji ubena kumwita. Obewa usa kuketekela, nobe shanji nyi? Musa kuuba nyi? Lekai Aye amupepule bufuku buno, kabiji ne obewa. Lekai kipwe.

¹⁸⁹ Apano paji songwalume mucheche, wa kilungi-kyachiluluka kicheche songwalume. Aye ubena kumanama na kikola kya kikoba, ne kushika kyaji, songwalume mucheche mwina Mexico, songwalume mwina Mexico waikala popa. Aye kechi wakuno ne. Aye wafuma ku San Jose. Bushe obewa waketekela nyi, mwaana wamulume? Kintu kikwabo, bashobe baji kuno ne obewa. Aye ke wamwingilo. Abyo ibyo. Bushe waketekela mba Lesa wakonsha nkumbuula jizhina jobe? Bushe kyakonsha kukulengela obewa kuketekela kikatampe? Jizhina jobe wi Reuben. Pano ketekelai. Um-hum. Lesa usa kwimukosesha.

¹⁹⁰ Aye Nkambo waiya kabiji Aye ubena kukwita. Oo, ndengamambo, oo, muntu wakolwa, kechi obewa wamona Nkambo kwimwesa mu mubiji wa bumuntu ne, pakachi ka baitabila? Aye waiya na kwita baana Banji baitabila ku bututulu. Aye waiya na kwita mubi amba alapile. Wabwela munyuma, membela wa kipwilo, aye Nkambo waiya na ku kwita obewa.

¹⁹¹ Bushe wikiketekela nyi? Bushe wikiketekela na mambo akukabila kobe ponka pano? Inge wauba, sutulako kuboko kobe, ne kwamba mba, “Naketekela pa kubila kwami.” Pano imanaiko ponkapano ne kwikitambula. Aye Nkambo waiya ne kukwita obewa. Kabiji obewa yense, kukabila konse kouji nanko, aye Nkambo waiya kabiji Aye ubena kukwita. Aye ujitu pamo keesha, leelo, ne myaka yonse.

¹⁹² Awa mwanamukazhi mucheche wakatwelele mu muzhi, kabiji waambile mba, “Iyai, mumone Muntu Wambuula kyatama nkoji ami.” Anweba kechi mwaile mu muzhi ne. Anweba mwaishile na kwibimona, anweba bene, nanchi aye Nkambo waiya kabiji ubena kukwita.

¹⁹³ Sutulaiko maboko enu ne kumutakaika Aye, ne kwamba mba, “Nkambo Yesu, Amiwa ne ndengamambo; ndekelaiko mambo. Amiwa na bwela munyuma; ntolai mu mbwezhe, Nkambo. Amiwa nakeba Mupashi Washila; ngyuzhai. Amiwa na kolwa; mbukai. Amiwa ne kilema; koseshai.” Aye Nkambo waiya kabiji ubena kwimwita. Sutulaiko maboko enu ponkapano kabiji mupai Aye lutakaiko. Amena.

¹⁹⁴ (Tupai kondi mucheche, “Amiwa kamutakaika Aye, Amiwa kamutota Aye.” Mwayukatu? *Amiwa Kamutota Aye*. Anweba mwayuka kyokyo, kechi ibyo nyi?)

Mwaketekela nyi?

Amiwa kamutota Aye, Amiwa kamutota Aye,
Oo, atotwe Mwanamukoko waipailwe na
mambo a babi;

Mupai Aye lukumo, anweba bantu bonse,

Mambo Mashi Aji aomvwa kiko kyonse.

¹⁹⁵ Mwamutemwa Aye nyi? Pano kechi mwatemwa kumwimbila Aye kimye kyo Aji pano? Aye ye Mupashi ubena kwenda monse mu kishimikwa. Aye wayuka michima yenu, wayuka byonse pe anweba. Twayai tumwimbile Aye, na muchima wetu yense.

Amiwa kamutota Aye . . .

Sutulai maboko enu inge mwikyuba.

Amiwa . . .

Pano mutotai Aye.

. . . mutotai Aye,

Oo, atotwe Mwanamukoko waipailwe na
mambo a babi;

Oo, mupai Aye lukumo, anweba bantu bonse,

Mambo Mashi Aji aomvwa kiko kyonse.

¹⁹⁶ Oo, inetu, obewa uji mukipona kya mawilo, inge wakonsha kuketekela kukilapo pacheche ponkapo.

Amiwa . . .

Twayai twikyeseke jimo jikwabo. Amiwa mbena kupembelela pa kintu kimo.

Amiwa kamutota Aye, Amiwa kamutota Aye,
Oo, atotwe Mwanamukoko waipailwe na
mambo a babi;

Mupai Aye lukumo, anweba bantu bonse,

Mambo Mashi Aji aomvwa kiko kyonse.

¹⁹⁷ Pano kimye kyo tubena kwimba kyokyo jibiji, alulukai, tolai kuboko kwa muntu umo, kimye kyo tubena kumwimba, imbai, “Amiwa kamutota Aye.” Twayai, atweba bonse pamo.

Amiwa kamutota Aye, Amiwa kamutota Aye,

Mutotai Mwanamukoko waipailwe babi;

Mupai Aye lukumo, anweba bantu bonse,

Mambo Mashi Aji aomvwa kiko kyonse.

¹⁹⁸ Oo, mulunda ndengamambo, wakonsha kwiya kuno ponkapano nyi? Iyai na kumupa lutotelo Aye, anweba bantu bonse. Anweba bantu bonse mubena kukeba ku mushimuna Aye amba ye Mupulushi. Mu Kyeenyi Kyanji, kimye bazhijikwa po babena kumupopwela mu Mupashi, kechi mwakonsha kwiya kuno na kwimana nenyi? Mwambe mba, “Amiwa nakeba kupana lushimuno. Amiwa nasaka kumupa mitotelo Aye. Amiwa nakeba kwiya. Amiwa kechi Namumvwina buvu ne. Amiwa nakeba mba ntanda yonse iyuke mba Namuswa Aye kwikala Mupulushi

wami, ponkapano mu kimye Aye kyo akijipo.” Iyai kimye kyo tubena kumwimba.

Amiwa kamutota Aye . . .

Mwakonsha kwiya nyi?

. . . Amiwa kamutota Aye,
Oo, mutotai Mwanamukoko waipailwe babi;
Oo, mupai Aye lukumo, anweba bantu bonse,
Mambo Mashi Aji aomvwa kiko kyonse.

¹⁹⁹ Oo, abyo byokiji, inetu, iyaitu kuno. Ing’anyi mukwabo usa kwiya, mu Kyeenyi kya Kilishitu? Iyaitu kuno, nyenga, imana papo.

²⁰⁰ Bantu bakwabo abo babena kukeba kumupopwela Aye amba ekale ke Mupulushi wabo, ponkapano, abo babula kumvwa buvu. Aye waambile mba, “Inge anweba mwang’umvwina buvu Ami ku meso a bantu, Amiwa kakumvwina buvu obewa ku meso a Ba Taata ne Bamalaika bazhila.” Inge kechi mwamuvwina buvu Aye pano ne, kabiji anweba mubena ku Mukeba kwikala Mupulushi wenu, kimye kyo Aji pano! Anweba mwamumona Aye. Kijitu kyalumbuluka, Kyambo Ayemwine Wikilengela kuyukanyikwa. Iyai kuno kimye bazhijikwa po babena kupopwela. Mwakonsha kwiya nyi?

²⁰¹ Lesa emupeshe, mwane. Awe wiya inetu mukote, wafika pa kimino kya kukoma. Mwakonsha kwiya nyi?

Amiwa . . .

Mwimbai ponkapano.

. . . Amiwa kamutota . . .

²⁰² Abyo ibyo, balunda bakitwala, iyai muzhokoloke. Pano takaikai. Lesa akupeshe, inetu, ajo jo jishinda ja kwikyubilamo. Lesa emupeshe, anweba bakitwala.

. . . waipailwe babi;
Mupai Aye lukumo, anweba bantu bonse,
Mambo Mashi Aji aomvwa kiko kyonse.

²⁰³ Kimye bamingilo po babena kuya ku baabo bantu nanchi muntu umo kuuba waiya ne? Wabwela panyuma, mwakonsha kwiya, ambai mba, “Amiwa naumvwa buvu pa bumi bwami”? Uji pano. Obewa waketekela mba amiwa ne kalume wakwa Lesa nyi? Sutulaiko maboko enu. Kika, Yesu Kilishitu uji mukachi ketu. Kechi mwakonsha kwiya ne?

Mupai Aye lukumo . . .

Kechi mwakonsha kwiya ne, mupai Aye lukumo?

. . . bantu,
Mambo Mashi Anji aomvwa . . .

²⁰⁴ Mata, ubena kwiya nyi, nangwa usakwikala mu nzubo ne Maliya? Obewa usakubwela mu bipamo bimo, ne kwamba mba,

“Oo, kipwilo kyami kechi Kyaketekela muyuwe musango ne,” kimye Kilishitu po asololwa nyi? Obewa usakubwela wikale panyuma ne kwamba mba, nangwa obewa usakulupukamo nyi? “Kyawama, Amiwa nsakukubuula, inge Na . . .” Ine. Leelo, kino kyo kimye. Lufu luji pepi ne obewa, nobe mwaana wamukazhi wakwa Jailosi.

²⁰⁵ Pano iyai! Wabwela panyuma, iya pano. Mubi, pano iya. Kino kyo kimye. Aye Nkambo waiya kabiji Una kukwita obewa. Aye ubena kukwita. Mwaamba mba, “Pano Nayuka byepi?” Aye ubena kwingijisha jiwi jami. Inge Waingijisha jiwi jami kubulang’ana misongo, bya lumanamo ne bikwabotu, kechi mwayuka nenyi mba Aye ubena kwita ne mambo a bubi? Lupukaimo! Iyai ponkapano, kino kyakonsha kwikala jishuko jobe japelako jo ukabula kwikala najo jibiji.

²⁰⁶ Jimotu japelako, muji bavula muno bafwainwa kwiya, balunda. Amiwa kechi mbena kukeba kwi mulengesha buvu ne, kwiimwita pajizhina byonkabye. Abyo kechi ibyo ne. Inge mwakonsha kapepo kimye kimo . . . Aba Bafaliseo balangulukile mba bapuluka, bino kechi byo bajinga ne. Ne obewa ubena kulanguluka kintutu kimo. Iyai pano.

²⁰⁷ Ikalai na luketekelo! Kechi mwafwainwa ne, kechi mutoletu kichika kya jishuko pa kikye ne. Inge mujipo kaluzhinauka kacheche mu milanguluko yobe, kechi upulushe bimye ne. Iyai ponkapano. Ponkapano kyo kimye, kimye Nsulo po yakishikuka, kimye Mupashi Wazhila kasa a kiji muno. Aye Nkambo waiya. Aka kaluzhinauko kacheche, ko abena kweseka Aye kwimubuula anweba, “Anweba mubena kuzhinauka.” Kipanai kipwe. Iyai kuno, ponkapano. Aye Nkambo waiya ne kukwita obewa. Abyo ibyo, twajijilatu na kwiya, twajijilatu na kwiya.

Amiwa kamutota Aye, Amiwa kamutota Aye,

Kechi mwakonsha kwiya mu mutote Aye nenyi?

Mutotai Mwaanamukoko waipailwe babi;

Mupai Aye lukumo, anweba bantu bonse,

Mambo Mashi Aji aomvwa kiko kyonse.

²⁰⁸ Pano mukimye kyo babena kwiya bandengamambo, na kumukeba Aye; lekai bantu bamutote Aye, twayai tumwimbe pano. Peulu na maboko enu, imbai na kumutota Aye, pano, bonse pamo.

Amiwa kamutota Aye, Amiwa kamutota Aye,

Mutotai Mwanamukoko waipailwe na mambo
a babi!

²⁰⁹ Anweba mupai Aye lutakaiko! Anweba bantu mwazhokoloka muno, lombai, mwipuzhai Aye emulekele mambo. Abyo Aye byo asakuuba. Aye Nkambo waiya na kukwita obewa. Lesa emupeshe.



PONKAPO YESU WAISHILE NE KWITA KDE64-0213
(Then Jesus Came And Called)

Ino Mbila na Mulongo William Marrion Branham, yalupwilwe patanshi mu Kizungu Pakina mabaanga, Kubomukata 13, 1964, pa Elliott Auditorium ku Tulare, California, U.S.A., byafumishiwa pa tepu ukwata ne kufyatula kabiji bya nembwa mu Kizungu kwa kubulwa kupimpulwa. Ino ntuntulwilo muki Kaonde ya nembelwe ne kusampanya na ba Voice Of God Recordings.

KAONDE

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kayukilo ka kuvuzha

Luusa lonse luji kubene. Awe buuku mwakonsha ku mupulita ku kya kupulitako kya pa nzubo pakuuba mba anweba bene mwakonsha kumwingijisha nangwa kupaanwa, kyatuutu, nobe jishinda ja kunsampwilamo Mambo awama a Yesu Kilishitu. Awe buuku kechi wakupotesha ne, kulengamo avula, kutumwa palubesha, kufiwa mu makopyuta, kututululwa mu milaka ikwabo ne, nangwa kwingijisha mukumwenamo mali kwakubula kuswisha kwanembwa kufuma kuba Voice Of God Recordings®.

Pakukeba kuyukilapo bikwabo nangwatu mabuuku akwabo, mwane tumai pa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org